



Nau yu ken Teksim Wari, Tingting, Painim Pren o Pas bilong yu i kam long Digicel namba 7235 6149 na bai mipela putim long Pes 2...



WINIM DISPLA BONUS HAUS LO SEPTEMBER 27
 Harlap na top up nau, na yu ken kamap lucky winner bilo displa kit Haus. Moa top up yu mekim, moa entries bai yu kolim.

OTML papagraun egensim O'Neill



Poto: Nicky Bernard

Ol 13 mausman i kam na redi long kisim gavman bilong Praim minister O'Neill go long kot long gavman tekova long OTML. Long piksa em siaman/ maus bilong CMCA grup Joel Dangkim (namba tri long lephan) wantaim ol CMCA memba long Mosbi asde i tokaut long tingting long pipel stap long envairomen bagarap ples long ol Westen.

Stanley Nondol i raitim

DISPELA bilien kina pait namel long Sir Mekere Morauta na Praim Minista Peter O'Neill i lukim ol papagraun i tokaut olsem ol i no laikm gavman i tekova long OTML na ol i singaut long Mista O'Neill long rausim nupela lo na larim PNGSDP na OTML mas stap yet na menesim mani bilong Westen provins.

Ol 13 mausman bilong papagraun bilong OK Tedi i makim wanwan CMCA eria I bung long Mosbi asde na i givim toklukaut long Mista O'Neill long bihainim tok bilong ol na sapos nogat bai ol i salesim O'Neill gavman long nupela lo we gavman i tok orait long palamen las wik na tekova long OTML na PNGSDP.

Mista O'Neill na Sir Mekere tupela wantaim i tok tupela pait long

bosim mani bilong pipel bilong Westen na givim gutpela sevis long ol.

CMCA papagraun makim 162 viles long main eria long Not Fly, Midel Fly na Saut Fly i tokaut olsem ol i no wanbel tru long gavman i senisim lo na tekova long OTML.

I go moa long pes 2...

Insait: Palamen nius long pes 4

Poka masin pulim bikpela winmani - p2

CPL givim K60,000 long Buk Bilong Pikinini- p7



Digicel

Painim CASH MONI bilong yu insait long Botol Oil

"Painim CASH MONI insait long ol GLOBE na SITA Kukkin Oil Botol"

Na kamap Wanpela LAKI WINA NAU!

Sapos yu painim displa ol CASH Moni:

| | | |
|-------|------|-------------------------|
| K1000 | K500 | K100 |
| K50 | K10 | SITA 250ml |
| K50 | K10 | 5 Fri SITA 250 ml Botol |

Hariap!!! Baim ol GLOBE na SITA Kukkin oil bilong yu NAU

"Insait long lid" bihain yu rausim sil. Go kisim CASH MONI bilong yu long Globe dealer or kolim Globe Hotline 422 3066

GLOBE

Promosen bai pins long 31st December 2013



**Teksim Wari,
Tingting, Painim
Pren, Wantok o
Pas bilong yu
i kam nau..
Digicel namba:
7235 6149**

Poka masin pulim bikpela winmani

GAVMAN kisim K160 milien winmani long ol poka masin namel long mun Januери na Jun long dispela yia.

Tresari Minista, Don Polye i tokaut long dispela long taim em i givim Mid Yia Fiskel ripot long Palamen long las wik.

Em i tok mak bilong winmani long ol poka masin i soim olsem planti pipel tru i wok long tromoi mani long poka masin.

Ripot bilong Mista Polye i soim olsem long mun Januери i kam long Jun 2013 winmani bilong, hos resis na poka masin i go antap moa na winim ol arapela yia bipo.

Gavman kisim bikpela mani long takis long helpim baset bilong gavman tasol bilong wanem na planti man i no sevimi mani long benk bilong lukautim ol long bihaintaim na ol i wok long tromoi long poka masin na hos resis.

Memba bilong Goroka, Bire Kimisopa, i kirap nogut olsem planti man i tromoi mani long ol kain pilai laki olsem.



Mista Kimisopa i tok prais bilong ol sevis na ol samting long stua samting i wok long go antap na mani bilong wok bisnis long kantri em i antap tumas.

Mista Kimisopa i tok dispela yia gavman i putim fri edukesen na fri helt na em sans bilong ol papamama long sevimi mani.

Memba bilong Goroka i tok ol pipel bilong Papua Niugini i no save sevimi mani long benk na dispela em bikpela hevi tru ol pipel gat.

Mista Kimisopa i tok pastaim

long 20 yia go pinis, laip i bin isi.

Em i tok ol baim haus long K6,000 na prais bilong wankain haus nau i stap long mak bilong K120,000 na em hat tru long ol yangpela husat i wok nau long kain kian wok long baim haus bilong ol yet.

Planti manmeri slip long setelmen na go wok long bikpela opis bilong gavman na praivet kampani.

Mista Kimisopa i tok laip em i hat na ol pipel pilim pen na ol save tasol ol no sevimi mani long benk long lukautim ol long taim nogut.

Insait long sikispela mun gavman mekim K160 milien na sapos ol pipel i no sevimi mani na pilai yet bai gavman i mekim K1 bilien long wanpela yia.

Gavman long Septemba 1 i apim mak bilong pilai long poka masin i go antap long K100.

Ol i ting dispela nupela mak bai stopim ol lain husat i save kisim liklik pe long pilai long poka masin.

OTML papagraun egensim O'Neill

I kam long pes 1...

Ol i tok gavman i no bin tok-tok wantaim ol na pipel bilong Westen long as bilong tekova na ol i askim gavman long kwiktaim putim lo bilong pastaim go bek.

As tingting bilong ol papagraun em olsem; ol i no laikim ol politiks lain putim han go insait long mani bilong ol we stap long akun long Singapore na 63.4 pesen kompensasi mani we PNGSDP i lukautim bilong ol pipel bilong Westen provins.

Siamen na mausman bilong CMCA Joel Dangkim i tok gavman i no tok save long ol papagraun long senis em bai kamapim long tekova na i hariap na tekova long onasip bilong OTML na rausim sea bilong PNGSDP na menesim 63.4 pesen dividen, i opim bikpela rot bilong stil pasin.

CMAC papagraun i laikim PNGSDP menesmen mas stap yet long menesim mani bilong Westen na ol i tok sapos gavman i no bekim ansa bilong ol bai ol salensim long kot.

Ol i tok ol bai pait long kain kain rot inap ol yet o gavman i givim tok orait long menesmen bilong PNGSDP long stap yet.

Long putim PNGSDP bek

wantaim sea bilong em, bai BHP bai stap papa bilong sea onasip yet. Na palamen mas bung na vot long rausim nupela senis bilong lo ol i mekim long las wik.

CMCA papagraun i laikim dipela I mas kamap. Ol tok ol bai kotim gavman sapos gavman i no bihainim.

CMCA em OTML i kamapim long 2001 aninit long 9th Saplementri Act. Sir Mekere gavman i putim long ol ples long OK Tedi eria bai kisim kompesesen long envairomen bagarap main i kampim bikos no gat teiling dem long putim pipia bilong main na i save go stret long OK Tedi riva na go long Fly riva.

Aninit long nupela lo bai nogat kompensasi.

CMCA papagraun i laikim

1. 63.4 pesen sea bilong OTML we PNGSDP i menesim mas kgo long bek long CMCA komyniti, ol sea em presen bilong BHP long papagraun

2. Dividen bilong 63.4 pesen mas go long CMCA eria long Westen tasol

na mas noken go long arapela man o ples

3. OTML mas stap na wok olsem indepeden kampani na gavman i no ken mekim disisen long ron bilong main.

CMCA papagraun tok ol nau lukluk long kotim gavman long envairomen bagarap.

Ol i tok ol 81 memba bilong palamen husat votim dispela bil mas tok sori long ol papagraun bilong wanem ol tok ol i no givim tok orait long ol memba long kamapim senis na tekova long OTML na dividen na kompensasi fan

Siamen bilong CMCA Joel Dangkim na olgeta memba i tok ol no trastim gavman long lukautim mani bilong ol.

Ol papagraun tu tokaut olsem ol memba bilong palamen long Westen i no toktok wantaim ol pipel long ol sensi bilong lo na singaut long ol mas go bek long distrik na provins na tok sori long ol pipel long asua bilong ol long sapatim Praim Minista na gavman long tekova long mani na aset bilong ol pipel bilong Westen Provins.



Polis Ripot

Pait namel long Watut na Goilala

BULOLO: Wanpela man i dai na sam-pela arapela i kisim bikpela bagarap bihain long ol lain Watut i banisim kem bilong ol Bubu na pait wantaim ol. Ripot i kam long Bulolo i tok dispela trabel i kamap long bikmoning long Sarere long Bulolo. Ripot i tok trabel i bin kamap ban long ol yangpela Bubu i bin spak na paitim tupela man Watut long Bulolo maket long Fraide apinun. Ol i kisim tupela i go long haus sik. Ol Watut i bekim pait long Sarere moning we moning long 40 haus i paia na wanpela Bubu man i dai na narapela i kisim bikpela bagarap na i stap long haus sik. Ol polis i no inap long mekim wanpela samting bikos namba bilong ol Watut i winim ol.

Polis holim wanpela konman

NCD: Ol polis long NCD i holimpasim wanpela man Enga husat i giaman olsem em i Fainens Minista James Marape. Ripot tok dispela konman i save yusim kain nem olsem King David Yakali. Ol polis i tok ol i bin arestim dispela man bipo long taim em i giaman olsem em i olupela seketeri bilong Nesenei Plening Joseph Lelang. Dispela man i bin giamanim Pastor Godfried Wippon las wik olsem em i Minista Marape na bai em i givim K50,000 long wanpela hiling krused long Kimbe. Mista Marape na ol lain bilong em wantaim ol polis i bin trikim dispela konman na ol polis i holimpasim em.

Polis sasim tupela konstabel

NCD: Ol polisman long Mosbi i sasim pinis tupela polisman long kamapim bagarap long bodi bilong 75 man Kabwum long 26 Me autsait long Mosbi. Ol i sasim Konstabel Hilary Weni husat i wok long Waigani polis stesin na Konstabel Steven Siskii bilong ples Bulso long Manus Provins. Ol i sasim tupela polisman ya long 44 kaun bilong stil, na 31 kaun bilong kamapim bagarap long bodi bilong 75 man. Ol polis i bin mekim wok-painimaut inap tupela mun bipo long ol i sasim dispela tupela polisman.

Polis sasim wanpela moa man

NCD: Ol polisman long Mosbi i holim na sasim wanpela moa man bihain long indai bilong olupela memba bilong Kundiawa, Peter Waieng. Dispela man, Ray Atabe i gat 26 krismas na em i bilong ples Roku long Sentral Provns. Ol polis i no larim em i baim bail na kam autsait.

Polis holim tupela moa saspek bilong Black Cat Trek

LAE: Ol polis long Morobe i holimpasim tupela moa man bihain long dispela trabel long Black Cat Trek tupela wik i go pinis. Dispela i bringim namba bilong ol man polis i holim i surik i go antap long sikis. Ol polis i bilip nainpela man i bin banisim na katim ol lain bilong karim kago na ol turis long Septemba 10. Tripela man bilong karim kago i bin dai long dispela birua. Ol pipel bilong ol ples long dispela hap i helpim ol polis long painim ol dispela trabelman. Ripot i tok ol tripela moa saspek i hait yet na klostu bai ol i kisim ol. Provinsal Polis Komanda Suprintenden Leo Lamei i tok tenkyu long ol lida na pipel bilong ples husat i helpim long holimpasim ol dispela man.

Spak draiva kilim tisa

NAMATANAI: Wanpela meri draiva husat i spak na draivim ka i bin kilim indai wanpela tisa meri na tupela arapela i kisim bikpela bagarap na stap long haus sik. Dispela birua i bin kamap long Namatanai, Nu Ailan Provins long Fraide. Ripot i tok draiva i spak na spitim ka long taun na taim em i tanim kona ka i abrusim rot na bamim tisa meri na tupela arapela husat i wokabaut long rot. Tisa i dai stret. Ol pablik i paitim draiva tasol ol polis i kamap na kisim em i go. Em i stap nau long Kavieng sel na wet long kamap long kot.

**Sam Hembe- Waigani -
16/09/2013**

Dia Wantok Niuspepa, mi gat liklik tok tasol olsem, mi lukim Namba 2036, Septemba 5-11, 2013. Olsem ol ovasis lain kontrolim bisnis long PNG. Mi no wanbel bikos ol mekim olsem long yumi bai yumi stap olsem wanem long bihain taim bilong yumi?

Stegi Ry - Madang -15/09/2013

Dia Wantok Niuspepa, mi wari olsem planti bilong ol manmeri insait long kantri bilong yumi PNG. Laip bilong ol i bagarap pinis long ol yus bilong ol mobail fon tasol, bikos paul pasin long marit manmeri na yangpela i kamap bikpela tru insait long famili na haus lain tu. So PNG gavman inap lukluk long ol dispela kain hevi wok long kamap long kantri na minimaisim na kontrolim ol Bisnis Hed Grup long wokim ol seils bilong mobail fon insait long kantri bilong yumi long stopim ol kain hevi long PNG em wanpela Kristen kantri.

**Kande Man
Texas -
6Mile, POM
-17/09/2013**



**AUTIM WARI O
TINGTING BILONG
YU NAU!!!**

Bikpela winmani bilong risos i no helpim ol pipel: MP

Stanley Nondol i raitim MASKI, kantri gat bikpela risos long oil, ges, gol, kopa na ol arapela, na gavman tokaut long bikpela winmani, mani bilong baim kaikai na sevis i surik i go anap moa na mekim laip bilong planti manmeri i bagarap olgeta.

Memba bilong Goroka, Bire Kimisopa, i mekim dispela toktok bihain long Tre-sari Minista, Don Polye i tokaut long ripot bilong mani plen bilong gavman long Janueri 2013 i kam inap long mun Jun. Mista Polye i tok ripot i soim olsem ikonomi bilong kantri i bin gro long las 6-pela mun na go bek long sampela yia.

Mista Kimisopa i tok, sapos ikonomi o mani bilong kantri i gro, laip bilong ol pipel bai i no inap kisim taim long prais bilong ol sevis na kaikai na ol arapela samting.

Mista Kimisopa i tok kantri gat bikpela hevi bilong ol pipel, we mani ol i kisim long pe bilong ol long potnait i no inap tru long baim ol samting. Em i tok ol manmeri long ples tu i pilim wankain hevi.

Mista Kimisopa i tok pe bilong, disel, petrol, kerosin, ges na balus, PMV na ol kaikai long stua wantaim planti sevis fi i go anap tru.

Em i tok bikpela winmani kantri i mekim long ol risos

olsem oil, ges, gol, kopa na ol arapela egrikalsa bisnis na takis mani i no helpim ol pipel.

Mista Kimisopa i tok gavman i tokaut planti taim long pablik na long baset olsem ikonomi bilong kantri i gro tasol laip bilong planti manmeri i painim taim. Em i tok kost bilong samting i go antap moa taim gavman i mekim planti winmani long ol bikpela risos long kantri na mekim wok long ol bikpela infrastraksa projek.

Mista Kimisopa i tok gavman i mas traim strong bilong en long kamapim sampela rot we bai helpim ol pipel long no ken bungim hevi long taim ol pe bilong samting i wok long go anap.

Mista kimisopa i tok pastaim long taim bilong Sir Michael Somare, Sir Julius Chan na Paias Wingti, prais bilong ol samting bin stap daunbilo na ol pipel i painim isi. Em i tok nau kantri lukim bikpela winmani na baset i go anap, bikpela milien kina go long bikpela projek long kantri.

Memba bilong Goroka i tok sapos gavman i no mekim sampela gutpela disisen long helpim na daunim dispela hevi, bihain bai ol pikinini na yangpela jenere-sen bilong nau i kisim taim.

Tambu long salim buai long siti

STOPIM buai na Mosbi siti bai kamap klin na nais, NCD Gavana i tok.

Olgeta liklik buai maket bai stop olgeta long salim buai insait long NCD, stat long Oktoba 1, 2013. Gavana Powes Parkop i strong tru long rausim buai na em i putim ol siti renja long raunim ol lain i salim buai long sampela yia nau. Tasol nau em i mekim kamap lo, olsem wanpela man i salim buai long siti bai gat kot o bai baim kot fain.

Em i gat strongpela tingting olsem lo bilong rausim buai bai rausim hevi bilong ol pipia bilong skin bilong buai na spet buai long siti.

Long dispela taim, eksekutiv opisa bilong Parkop, Terence Moka i tok NCD bai i no inap tru long larim wanpela man i salim o kaikai buai long ol pablik ples insait long siti stat long Oktoba 1, long nait.

"Olgeta ples bilong salim buai olsem long ai bilong ol stua, opis, bas stop na ol liklik maket olsem Manu buai maket, Erima, 5 Mile, Saina Taun long Is Boroko, 24 haua maket bilong Gerehu na ol arapela hap we i no stap long plen olsem ples ples salim buai, bai pas stret long 1 Oktoba, 2013," Mista Moka i tok.

Em i tok, Pom siti em i olsem liklik gavman bilong PNG, na nau ol i wok hat i stap long stretim wanpela ples we olgeta lain i ken salim na baim buai ausait long Pom siti long Sabusa na Gaire.

"Dispela lo bai i no inap long larim ol lain i salim buai arere long banis bilong haus," Mista Moka i tok.

Em i tok moa olsem laik bilong Gavana, em long rausim ol rabus na doti pasin aut long siti na bringim sampela gutpela lukluk long Kepitel siti bilong Papua Niugini na Pasifik.

Provinsal gavana bilong Sentral Provins, Kila Haoda na Gulf Provins and Gulf Provins Gavana, Havila Kavo i sapotim dispela lo bilong pasim buai na tupela i tok bai ol i sapotim Gavana Parkop.



AMAMASIM GAVANA: Ol sumatin bilong Holi Spirit Hai Skul long Madang i amamasim Gavana Powes Parkop taim em go raun lukim ol.
Foto: NCDC Midia

wantok moni

Send money to Anyone, Anytime Anywhere



How to send Wantok Moni

- 1 Dial *131#
- 2 Enter mPIN
- 3 Press 2 for "Funds Transfer"
- 4 Press 3 for "Wantok Moni"
- 5 Choose Account which you will send Wantok Moni from
- 6 Enter recipient's mobile number
- 7 Enter Amount
- 8 Press 1 to confirm

Have you received Wantok Moni?

- 1 **Accept Wantok Moni**
 1. Dial *131#
 2. For a new user, you will be asked to create and enter a 4-digit Personal Identification Number (PIN)
 3. For existing user, enter your 4-digit PIN (this is NOT the send code)
 4. Reply 1 to "Accept Wantok Moni"
 5. Enter the 8 digit **SEND CODE** (code given by sender plus code received via SMS to your phone)
- 2 **Generate a Wantok Moni Withdrawal Code**
 1. Dial *131#
 2. Enter your 4-digit PIN
 3. Reply 2 to "Withdraw Wantok Moni"
 4. Reply 1 to "Generate Code"
 5. You will receive a response containing your **WITHDRAWAL CODE**




Anyone, Anytime, Anywhere!

320 1212 / 7030 1212
servicebsp@bsp.com.pg
www.bsp.com.pg | f t



Official Sponsor of the 2015 Pacific Games

Oposisen tok PM i gat bikpela pawa tumas



OPOSIEN i tok ol senis long seksen 145 na 124 bilong konstitusen i givim Praim Minista Peter O'Neill bikpela pawa tumas. Na ol memba i kalabusim ol yet long ol bai stap maus pas na bai no gat sans long tok egensim praim minista sapos em i no ranim kantri gut.

Las wik Praim Minista Peter O'Neill i yusim pawa bilong namba bilong ol memba i sapotim em, na sensim seksen 145 bilong konstitusen wantaim 81-2 vot. Tupela memba bilong Oposisen, Sam Basil na Tobias Kulang tasol i bin vot

egensim dispela senis.

Senis bilong seksen 145 i katim daun namba bilong de Palamen bai sindaun long kibung long wanpela yia.

Olpela lo i tok Palamen i mas bung 63 de long wanpela yia. Tasol nau ol i senisim na bai Palamen i bung long 40 de tasol.

Na senis long seksen

124 i givim bikpela pawa moa long praim minista long ranim gavman long 3-pela yia we bai i no gat vot i no gat bilip long em i kamap.

Aninit long dispela senis, husat laik kampim vot i no gat bilip i mas givim notis pepa long wanpela mun na mas kisim nem bilong 22 memba bilong Palamen. Aninit long olpela lo, husat i laik mekim vot i no gat bilip i mas givim wanpela wik notis na i mas gat nem bilong 11 memba long notis pepa.

Ol olpela praim minista i no bin senism dispela hap bilong lo na em bin stap olsem 38 yia.

Praim minister O'Neill i

tok em i kamapim senis long strongim gavman long stap longpela taim long givim gutpela sevis long ol pipel.

Strongpela man bilong Oposisen na memba bilong Kundiawa, Tobias Kulang, i tok dispela senis bilong lo i givim praim minista bikpela pawa long gavman. Na praim minista i ken mekim kain kain disisen na no inap pret.

Mista Kulang pastaim long ol i vot i tokim ol memba olsem dispela senis bai kalabusim ol memba bilong palamen long autim bel, na tingting stret long ron bilong kantri. Em i tok ol memba i mas tingting gut

na vot.

Tasol gavman gat moa long 100 memba na i gat bikpela namba sapot na ol i senisim tupela lo na givim moa strong long Mista O'Neill i ken stap yet long sia bilong praim minista.

Mista Kulang i tok sapos praim minista i no ranim gut kantri bai hat long ol memba i mekim sek na balens long senisim.

Planti memba bilong palmen i bihainim wankain toktok bilong praim minista na tok ol kamapim senis long larim gavman stap longpela taim long pawa na bai i gat inap taim long givim sevis long pipel.

LUKLUK BEK LONG WIK:

PNG ICSA bai lukautim ol refuji

Nesanel Eksekutiv Kaunsil (NEC) i tokorait long givim wok bilong lukautim ol refuji i go long PNG Imigresen na Sitisensip Sevis Atoriti (PNG ICSA) Praim Minista Peter O'Neill i tok kabinet i bin putim ol aninit long Dipatmen bilong Provinsal na Lokal Level Gavman Afeas (DPLGA) tasol nau ol i senisim na putim ol aninit long lukaut bilong PNG ICSA. Kabinet i givim tokorait tu long mani bilong helpim PNG ISCA long wok bilong Rijonal Risetelmen Agrimen (RRA). Em i tok NEC i tokorait long mekim sampela senis long lo we bai gat nupela Refuji Visa. Kabinet i tokim Minista bilong Leba na Industrial Rilesens long lukim olsem lo bilong wok pemit i no karamapim ol dispela lain. Mista O'Neill i tok bai ol i rausim sitisen eplikesen fi long ol pipel husat i refuji tru. Em i tok dispela bai helpim ol refuji bilong Wes Papua hia long PNG long aplai long kamap sitisen bilong PNG. Na bai helpim tu ol lain refuji aninit long RRA long kamap sitisen bilong PNG.

Praim Minista tok sori long gavman bilong Saina

Praim Minista Peter O'Neill i tok sori long pasin nogut ol raskal i bin mekim long ol wokman bilong Saina husat i wokim nupela Intenesenel Konvensen Senta long Waigani. Dispela trabel i bin kamap moa long tripela mun i go pinis. Mista O'Neil i tokim Gavman bilong Saina olsem gavman bilong PNG i mekim wok bilong holimpasim ol trabelman ya na bai ol polis i was long kontrakta kampani husat i mekim wok bilong sanapim dispela konvensen senta. Embesi bilong Saina i bin givim toksave long PNG olsem wok i stop inap gavman i ken soim olsem bai i gat ol polisman i was long kontrakta bilong projek. Praim Minista i tok Saina em i namba tu bikpela investa long PNG bihain long Australia. Na em i singaut long ol pipel bilong kantri long soim rispek long ol ovasis kampani bikos ol i givim wok long ol Papua Niugini pipel na bringim mani i kam insait long kantri.

Eggins i go wok wantaim Nesanel TV stesin

Wanpela senia niusman bilong Papua Niugini, John Eggins i go wok nau wantaim Nesanel TV Sevis, Kundu 2. Mista Eggins i winim moa long 30 yia long wok long redio na televisen. Em i bin stat wok long NBC na bihain em i lukautim Redio Enga na Redio Noten. Em i go wok long televisen long 1988 na i wanpela bilong ol namba wan lain Papua Niugini long wok long televisen. Long taim gavman i toksave long dispela apoinmen bilong Eggins, ol i tok gavman i laik kamapim gut sevis bilong NBC long wokim ol gutpela program na televisen nius.

Gavana sapatim OTML tekova

GAVANA bilong Westen Provins, Ati Wobiro, Memba bilong Not Fly Boka Kondra na memba bilong Saut Fly Roy Biama i givim bikpela sapatim long Praim Minista, Peter O'Neill i tekova long Ok Tedi Mine na PNG Sastenabel Developmen Projek.

Gavana Ati Wabiro i tokaut long Palamen las wik olsem desisen bilong gavman long tekova long OTML em i karim kaikai bihain long em i pasim tok wantaim Praim Minista, Peter O'Neill, long rausim PNGSDP na givim bilien kina mani na aset i go bek long ol pipel bilong Westen Provins.

Mista Wabiro i tokaut olsem bikpela envairomen bagarap i bin kamap long Westen provins tasol ol pipel i no kisim gutpela sevis na PNGSDP. BHP Billiton bilong Auستراليا, husat i bin papa long OKTedi Main, i bin kontrolim na makim ol bot siamen na ol memba we ol go pas long mekim disisen bilong dividen mani.

Mista Wobiro i tok em bin tokotk wantaim Mista O'Neill planti taim long

sampela mun na i wanbel long senisim lo na givim bek sea na mani long ol pipel bilong Westen provins.

Memba bilong Not Fly, Boka Kondra na Memba bilong Midel Fly Roy Biama tu i givim bikpela sapatim long Praim Minista Peter O'Neill long tekova long OTML.

Mista Kondra i autim belwari olsem BHP kampani i bagarapim envairomen na ol pipel nau kisim bagarap yet.

Mista Kondra i tok dispela tekova em bin dri-man bilong em. Em tok pipia bilong Ok Tedi main go stret long Ok Tedi Riva na go long Fly Riva na ol pipel i kisim bagarap taim ol i dringim wara na waswas.

Mista Kondra i tok em i bin salim sampela pikinini long Westen go skul long ovasis na taim ol i go medikol sekap, dokta i tokaut olsem bodi bilong ol sumatin i gat ol kemikel iron i stap insait.

Mista Kondra i wari tru olsem em i no inap long kotim BHP kampani bikos gavman bilong Sir Mekere i senisim lo long 2001 long no ken kotim

BHP.

Memba bilong Saut Fly, Roy Biama, i tok em i sapatim Mista O'Neill long kamap wantaim gutpela tingting long givim bek mani bilong Westen pipel go bek long ol.

Mista Biama i tok PNGSDP i no mekim wok developmen long eria. Em tok taim em i askim PNGSDP na OTML long sapatim wok developmen, PNGSDP i askim em long putim 50 pesen bilong mani na planti taim PNGSDP save dona.

Mista Biama na Kondra i tok Westen provins i gat bikpela mani stap tasol PNGSDP i no save helpim ol pipel i bungim kain kain sik na planti bin lusim laip pinis.

Mista Kondra i tok PNGSDP nau tasol kirap na laik mekim sampela developmen taim em i harim olsem gavman i laik tekova.

Tripela memba wantaim i amamas long desisen na sapatim bilong praim minista long palamen na ol memba bilong narapela provins i sapatim na ol oraitim dispela bil na tekova long OTML.

Saintis salim binatang bilong kilim buai long K50,000

GAVANA bilong NCD Powes Parkop i tokim Palamen las wik olsem wanpela saintis i tokim em olsem i gat binatang o natnat bilong kilim buai diwai dai i stap na NCDC i ken baim long K50,000 na kilim ol buai diwai.

Tasol Mista Pakop i tok dispela em i las samt-ing em bai mekim long salim binatang long kilim indai ol buai diwai.

Mista Pakop i tok em bai lukluk long ol gutpela rot bilong stopim buai long siti na i no bilong rausim ol pipel long buai bisnis na kilim buai diwai.

Mista Pakop i mekim dispela toktok long taim em i tok klia long Palamen long plen bilong em long stopim buai long Mosbi siti. Em i tokspet bilong buai i save bagarapim siti long ai bilong ol turis na tu, em i laik daunim ol sik olsem TB.

Mista Pakop i tok em i no stopim buai olgeta na rausim ol man long mekim buai bisnis. Em i tok em bai makim sampela hap we ol pipel ken salim buai long en.

Mista Pakopaninit long lidasip bilong em, NCDC i traim planti rot long kontrolim buai spet tasol ol pipel long siti husat i save kaikai buai i no gat rispek na ol i spetim buai long olgeta hap na bagarapim siti.

Mista Pakop i tokaut olsem stat long 1 Oktoba, bai tambu tru long salim buai nabaut long siti.

Mista Pakop tu bin sutim tok long ol lain Hailans long kaikai buai na spet nabaut long olgeta hap.

Em i tok ol lain bilong nambis i save planim buai na kaikai buai long stretpela rot na ol i no save spet nabaut. Memba bilong Goroka, Bire Kimisopa, i stopim Mista Pakop long sutim tok long ol Hailans na askim em long rausim dispela tok long ol Hailans.

Colgate

ASKIM
DENTIST



Yu gat askim long tit bilong yu?

Plis ringim "Askim Dentist bilong mipla"

Fri long 7303 2288 tasol

(Em fri long Digicel lain tasol. Ol narapela lain baiyu baim.)

namel long 9am na 5pm Mandei i go lo Fraide inap long 30 Septemba, 2013

Ekting Kokopo edministreta laikim ol akuitel ripot

Michael Novingu i raitim

SINGAUT i go long 84 olupela wod kaunsila long Kokopo distrik long givim akuitel ripot o rot ol i yusim K10,000 long ol wod bilong ol long taim ol i stap wod memba long 5-pela yia i go pinis.

Ekting Kokopo distrik edministreta Ekonia Walom i mekim dispela singaut bihain long emi go long opis bilong rural developmen long Mosbi na ol i askim em long ol wod memba i mas givim ripot long rot ol i yusim K10,000.00.

Walom i tok olsem dispela ripot bai helpim Kokopo distrik edministresen long salim ripot i go bek long ruel developmen opis long Mosbi long rot ol i yusim dispela mani.

Em i tok dispela ripot bai karamapim ol wod memba long Raluana, Bitapaka na Duk ov Yok Ailan lokel level gavman kaunsila.

"Mi save sampela bilong ol dispela mani i no go stret long wok long impruvim ol wod long ol komyuniti bilong ol," Walom i tok.

Em i tok em i laikim akuitel

ripot wantaim ol piksa bilong ol wok tru na i bin kamap.

Walom i tok ol dispela ripot ol olupela wod memba i mas givim i go long ol LLG bosman bilong ol bai givim i kam long Kokopo distrik edministresen na i go long rural developmen long Mosbi.

Em i tok ol LLG presiden i wok long wanpela pepa long givim i go long Kokopo Join Distrik Plening na Baset Praioriti komiti memba long lukim na givim toksave long ol bosman bilong LLG long rot ol wod i yusim K10,000 long 5-pela yia i go pinis.


Walom i tok as tingting bilong dispela ripot em ol wod developmen memba wantaim komiti bilong em i mas save long wok bilong baset, rot bilong lukautim mani, na rot bilong mekim wok long kisim sevis i go long ol manmeri long distrik long inapim plen bilong distrik 2013 i go long 2018.

Em i tokim ol wod memba long wanpela kibung bilong ol long wokbung wantaim ol manmeri long wok bilong ol long bihainim wok plen bilong LLG ol i makim pinis long en.



SAINIM BILONG STRONGIM: SPIKA bilong Kwinslen (Queensland) Palamen long Australia, Fiona Simpson, i redi long sainim wanpela agrimen wantaim Palamen spika bilong yumi, Theo Zurenuoc long Palamen Haus aste. Tupela liklik meri Manus i kisim ol pepa bilong sainim i go long ol. Mis Simpson na grup bilong em i bin kam long Mosbi aste long strongim wok patnasip long sait bilong palamenteri demokresi.

Poto: Nicky Bernard



Yumi Stori long PNG LNG
with Peter Graham,
Managing Director,
Esso Highlands Limited

Long kirap bilong dispela mun, mipela i bin tok save olsem moa long 90 pesen wok long PNG LNG em i pinis na i bihainim taim mipela i makim bilong namba wan LNG kago i go aut long namba tu hap bilong neks yia.

Mipela i amamas long winim dispela mak nau - we planti tausen pipel i wok long kamapim dispela Projek, na wantaim sapot bilong ol lokal komyuniti, ol lokal bisnis, ol ko-vensera bilong mipela na gavman. Ges i kam long ol oil fil long Kutubu (i no kam yet long Hides) i stap pinis long LNG Plent na bai ol i yusim long statim ol masin, em bikpela step long testim ol fasiliti bilong mipela na lukim sapos ol i wok gut na redi nau long LNG prodaksen long neks yia.

Wanpela bikpela samting i wok long kamap nau long pablik em ol toktok bilong benefit sering - husat bai kisim hamas mani, na long wanem taim. Bai ol i tilim na givimaut stret skel bilong wan wan long stretpela pasin o nogat? Mi ken tokim yupela olsem mi save tingting planti long dispela samting. Na mi laik lukim i mas kamap gut na i bihainim stretpela pasin. Bai i gat senis i kamap long ol benefit long taim yumi muv long ol konstraksen wok i go long hap bilong prodaksen. Olsem na i gutpela ol dispela toktok i kamap nau.

Long taim prodaksen i stat, namba wan wok bilong mipela em long kamapim na eksopotim likwifait neturel ges (LNG) we bai kamapim mani na larim Projek long baim royelti na ekwiti dividen o winmani, i go long ol lain i stap insait long Projek, na ol papagraun long ol laisens eria tu. Moa yet tu, mani bilong ol levi, takis na ekwiti winmani bai i go long gavman.

Long taim bilong wok konstraksen, ol benefit em givim wok, wok bisnis na ol komyuniti program. Tude, Projek i gat moa long 7,500 ol Papua Niugini wokmanmeri - na i givim sapot long ol lokal bisnis na i spendim moa long 9,000 milien Kina long lokal ikonomi i kam inap nau.

Projek i mekim bikpela wok tru long helpim ol pablik infrastraksa, na i givim moa long 300 milien Kina long mekim mentenens wok long Hailens Haiwe, senisim ol bris na i givim nupela telekomyunikesen sevis wantaim faiba optik kebel bilong mipela. Mipela i apgredim Tari ples balus, wokim nupela rot i go long LNG Plent sait. Mipela i wokim nupela na

apgredim ol helt senta, ol skul, na ol komyuniti senta. Mipela i sapotim developmen bilong ol egrikalsa program na ol trening program bilong ol meri we ol pipel i ken kisim helpim na save long kamapim gutpela sindaun na painim mani. Mipela i wokim ol trening senta na kamapim wanpela Enterprise Centre long givim trening na stia i go long ol lokal PNG bisnis na ol lenona kampani.

Long taim mipela i statim prodaksen neks yia, bai mipela i baim royelti i go long ol lenona long laisens eria-dispela bai kamap wantaim gavman. Ol dispela royelti mani i winim planti milien Kina long laip bilong Projek. Aninit long lo bilong *Oil and Gas Act*, bai ol i no inap long baim olgeta royelti na ekwiti winmani olsem mani. Siksti pesen bai ol i putim olsem invesmen long tupela tras fan: wanpela Fiutsa Jeneresen Invesmen Tras na wanpela Komyuniti Invesmen Tras. Na narapela 40 pesen bai ol givimaut olsem mani i go long ol papagraun long ol laisens eria. Gavman bai lukautim wok bilong givimaut dispela mani.

Em i klia olsem ol dispela royelti mani i mas go stret long ol lain i gat rait long kisim mani, na tu, pasin bilong tilim mani i mas bihainim stretpela pasin. Sotel Meping na Lenona aidentifikesen stadi na ol ripot em ol entropolojis (husat i save gut long PNG) i bin mekim bipo long ol laisens i go aut na wok bilong ol em Dipatmen bilong Petroleum na Eneji (DPE) i bin glasim na givim tokorait. Sotel Meping na Lenona Aidentifikesen i luksave long ol klen na sab klen - em i no go daun olgeta na luksave long wan wan manmeri husat i mas kisim royelti. Dispela em i narapela wok nau DPE i wok long mekim nau wantaim ol tim husat i wok long mekim ol aweanes na glasim ol klen. Na bihain long dispela wok i pinis bai Minista bilong Petroleum na Eneji i tokaut long Ministerial Diteminesen husat bai kisim mani, na mipela i ting bai em i tokaut long dispela bipo long prodaksen i stat. Gavman i makim baset bilong pinisim ol wok na Esso Highlands Limited na Oil Search i sapotim dispela wok.

Na long ol arapela samting, mipela i amamas long komitmen bilong gavman long kirapim wanpela transparent pasin bilong lukautim mani i kam long Projek. Moa yet, mipela i sapotim komitmen bilong gavman long aplai long kamap wanpela memba kantri long Ekstretiv Industri Transperensi Inisitiv (EITI) we bai mekim ol arapela i bilip olsem olgeta mani gavman i kisim long Projek em ol i kisim na yusim long sapotim ikonomi bilong kantri na lukautim sindaun bilong ol pipel bilong Papua Niugini.

Mi amamas long ol rot em Projek i helpim PNG long ol komitmen bilong en - long givim wok, trening, wok bisnis, na ol komyuniti program - Projek bai gohet yet long kamapim ol komitmen bilong en.

Gutpela de.

Plis salim email long pnglngproject@exxonmobil.com

BEYOND BOUNDARIES SUNDAY, 6PM - 6.30PM

Topic of the week:

Progress of ICAC on Nationwide Consultation



FM100

PNC's Information & Music Leader

Text 1610

| | | | | | | | | |
|---------------|-------------------|----------------|--------------|--------------------|--------------------|------------------|-----------------|------------------|
| ALOTAU 107.1 | BUKA 100.8 | KARKAR 100.5 | KIUNGA 100.3 | LORENGAU 100.3 | MT. DIMODIMO 107.1 | NAMATANAI 100.3 | RABAUL 100.8 | TINFUTZ 100.8 |
| AMBUNTI 100.8 | DARU 100.5 | KANDRIAN 100.1 | KUTUBU 100.2 | MADANG 100.8 | MT. HAGEN 100.3 | NCU 100.3 | RAMU 100.3 | TOLUKUMA 100.1 |
| ANGORAM 100.8 | DREIKIRKIER 100.8 | KEREMA 100.8 | LAE 100.5 | MAPRIK 100.8 | MT. HOREATO 107.5 | NUKU 100.3 | TABUBIL 100.3 | WATERHOLES 107.1 |
| ARAWA 100.3 | FINSCHHAFEN 100.4 | KIKORI 100.5 | IAGIFU 100.2 | MARKHAM 100.5 | MT. KAINGUMA 107.1 | PALMALMAL 100.6 | TARI 100.5 | WAU/SULOLO 100.8 |
| BOGIA 100.5 | GOROKA 100.2 | KIMBE 100.3 | LIHIR 100.3 | MT. SOREGORO 107.7 | MT. TURU 100.8 | POPONDETTA 100.5 | TELEFOMIN 100.3 | WEWAK 100.8 |

CPL i givim K60,000 long Buk Bilong Pikinini

CPL Grup i givim K60,000 long Buk bilong Pikinini, laibrari projek long Tatana Ailan Komyuniti ausait long Pot Mosbi long Tunde 10 Septemba.

Maresh Patel, Grup CEO bilong CPL Grup, i givim sek mani i go long fauna bilong Buk bilong Pikinini, Annie-Sophie Hermann ausait long nupela laibreri haus.

Mista Patel i tok amamas long Tatana ples i givim sans long em na meri bilong em wantaim CPL grup long mekim gutpela wok long helpim ol. Dispela mani bai i helpim nupela Buk Bilong Pikinini laibreri ol i wokim long Tatana.

Em i tok, taim em i kamap memba long bot bilong Telikom, em i bin tok olsem, em i no kam long kisim bot siting alauens o sampela kain winmani.

"Nogat, mi kam long givim servis long dispela kantri. Olsem na dispela mani nau mi

helpim Tatana komyuniti em ol siting alauens bilong mi long Telikom we mi bungim i kam. Mi na meri bilong mi na CPL Grup i kisim bikpela blesing long givim i go long helpim komyuniti," em i tok.

"Mani i no bikpela samting, tasol save ol pikinini bai kisim wantaim helpim bilong dispela mani em i bikpela samting," Mista Patel i tok.

Long Julai, Buk bilong Pikinini i bin brukim graun bilong kirapim laibreri antap long graun Yunaitet sios long Araira i givim. Swiss Embesi long Australia i givim mani bilong wokim laibreri haus na klostu nau em bai op long ol pikinini bilong Tatana i ken yusim.

Buk bilong Pikinini (BBP) em i stap long planti hap bilong kantri na em i save helpim ol pikinini i stap long

hatpela ples long helpim ol long rit na rait. Ol i amamas long tokaut long nupela wok poroman nau ol i kamapim wantaim Stop N Sop, long kamapim laibreri long Tatana Ailan. Mike Taylor, Jeneral Menesa bilong Stop n Sop Supamaket i tok, "Stop n Sop i amamas tru long helpim ol pikinini bilong Tatana long rit na rait. Em i givim ol gutpela samting bilong helpim ol taim ol i gro insait long komyuniti."

"Long stori bilong Alice in Wandalen, yumi lukim Alice i go insait long nupela ples insait long hul mumut i save stap. Wankain we,

yumi tu i ken painim nupela ples, nupela luk-luk taim yumi kamapim pasin bilong ritim planti buk," Mista Taylor i tok.

Meri i kamapim Buk bilong Pikinini, Anne-Sophie Hermann i tok, "Buk bilong Pikinini i givim gutpela sans long ol pikinini i no gat helpim insait long PNG.

Mipela i amamas long sapot i kam long CPL/Stop n Sop long kamapim wanpela laibreri long dispela tumbuna ples bilong hukum pis long Pot Mosbi, we i no gat edukesen opotuniti long planti pikinini i stap."

Pasifik Asurens i helpim Emejensi Sevis

WANPELA helt insurens kampani bilong Papua Niugini, Pasifik Asurens Grup i kamap namba wan kampani long helpim Emejensi Medikol Sevis PNG wantaim ol embulens i gat olgeta samting bilong imjensi.

Imejensi Medikol Sevis PNG i laikim tru helpim long gavman long mekim wok bilong helpim ol pipel tasol ol i no kisim helpim bilong gavman. Na nau dispela kampani yet i kisim 4-pela embulens long Australia wantaim ol nupela masin bilong embulens. Ol dispela embulens bai i gat olgeta samting ol imejensi tim i mas yusim long helpim ol siklain.

"EMSPNG i save wok wantaim membasip, olsem na K100,000 sponsa i kam long PAG

long baim ol dispela embulens, bai helpim 10,000 o moa memba bilong PAG long yusim dispela servis," Dokta Lautofa Ulotu bilong EMSPNG i tok.

"Em i namba wan taim tru long helt sekta i lukim ol kain profesenel embulens servis wantaim ol kar i gat olgeta masin na marasin insait wantaim ol woklain i gat save long mekim wok bilong emejensi," em i tok moa.

PAG i bilip olsem dispela samting bai i kamap olsem lek mak we ol arapela kampani bai bihainim olsem sosol wok bilong ol bisnis long helpim helt sekta long kantri. Wantaim dispela masin embulens i stap, husat siklain i ken go long wanem haus sik ol i laik go long en. Antap long

dispel, wanem kos bilong embulens transpot em PAG bai i ken kamapim wantaim PAG Helt Insurens Polisi bilong ol.

"Helt Kea long PNG i no gutpela tumas, bilong wanem gavman i hat long helpim olgeta lain," CEO bilong PAG, Paul Affleck i tok.

Tasol nau wantaim helpim bilong EMSPNG, Pasifik Asurens Grup, ol i bai kamapim wanpela 24-haua kol senta we olgeta lain i gat helt insurens wantaim PAG bai i ken ring na toktok wantaim wanpela dokta long toksave long sik bilong ol na wanem kain helpim ol i ken kisim. Sapos ol i nidim moa helpim bai em i ken salim embulens long kisim ol i go long haus sik.



Grup CEO bilong CPL, Maresh Patel i sanap namel long tupela bosmeri bilong BBP na i holim piksa bilong sek, Anne-Sophie Hermann, fauna bilong BBP na Joanne Greneger, Eksekutiv Opisa bilong BBP. Misis Patel i sanap long han sut bilong Annie-Sophie na Mista Patel wantaim ol bikman bilong Tatana viles long Mosbi. *Poto: Frieda Kana*



Embulens draiva Baluma Apani wantaim wanpela nupela EMSPNG embluens.

AGRICULTURE TRACTORS

90hp
70hp
50hp

*Photo for illustration purposes only

- Slashers
- Disc Ploughs
- Disc Harrows
- Post Hole Augers
- And Other Attachments for Farming

PORT MORESBY: 323 7957 | Digital: 7215 0333 / 7217 9815
LAE: 472 6324 KOKOPO: 982 8748 | email: machinery@agmark.com.pg

NASFUND FM100 TALKBACK SHOW

MONDAY - FRIDAY, 9AM TO 12PM

PNL's Information & Music Leader

Studio: 323 3777 or 323 3999

| | | | | | | | | |
|---------------|-------------------|----------------|--------------|--------------------|--------------------|------------------|-----------------|------------------|
| ALOTAU 107.1 | BUKA 100.8 | KARKAR 100.5 | KIUNGA 100.3 | LORENGAU 100.3 | MT. DIMODIMO 107.1 | NAMATANAI 100.3 | RABAU 100.8 | TINPUTZ 100.8 |
| AMBUNTI 100.8 | DARU 100.5 | KANDRIAN 100.1 | KUTUBU 100.2 | MADANG 100.8 | MT. HAGEN 100.3 | NCD 100.3 | RAMU 100.3 | TOLLUKUMA 100.1 |
| ANGORAM 100.8 | DREIKIRKIER 100.8 | KEREMA 100.8 | LAE 100.5 | MAPRIK 100.8 | MT. HOREATO 107.5 | NUKU 100.8 | TABUBIL 100.3 | WATERHOLES 107.1 |
| ARAWA 100.3 | FINSCHHAFEN 100.4 | KIKORI 100.5 | IAGIFU 100.2 | MARKHAM 100.5 | MT. KAINGUMA 107.1 | PALMALMAL 100.8 | TARI 100.5 | WAU/SULOLO 100.8 |
| BOGIA 100.5 | GOROKA 100.2 | KIMBE 100.3 | LIHIR 100.3 | MT. BOREGORO 107.7 | MT. TURU 100.8 | POPONDETTA 100.5 | TELEFOMIN 100.3 | WEWAK 100.8 |



Yut, Meri na Famili

**Pastor
Barbara Lunge**

God i kapsaitim Holi Spirit bilong em

Long taim bihain, God bai kapsaitim Holi Spirit bilong em antap long olgeta lain. Em bai givim pawa long ol man na meri wantaim bilong mekim wok bilong God. Ol presen bilong Holi Spirit long ol man na meri em bai kam givim strong na save long ol i ken mekim kain kain wok wantaim, long strongim kingdom bilong God.

Sampela tok bilong God yumi lukim, i strongim tok olsem ol meri i ken mekim wok bilong God, wankain tasol olsem ol man, bilong wanem ol i gat wankain spirit i stap insait long ol, long ol i ken mekim wok bilong karim gutnius. Yumi lukim sampela tok piksa bilong ol meri husat God i yusim ol.

"Bihain bai mi kapsaitim Spirit bilong mi long olgeta manmeri. Ol pikinini man na pikinini meri bilong yupela bai i autim tok bilong mi olsem ol profet. Na bai ol lapun man bilong yupela i driman, na ol yangpela man bai i lukim ol samting olsem driman. Na long dispela taim bai mi kapsaitim Spirit bilong mi tu long ol wokboi na ol wokmeri nating." (Joel 2:28-29). Wankain tok profet tu i stap gen long buk Aposel sapta 2:17-18 we God i kapsaitim pawa bilong Holi Spirit bilong em long ol bilip man na meri wantaim.

"Filip, em i wanpela man bilong autim gutnius, na mipela i stap wantaim em. Em i wanpela bilong ol 7-pela man i save helpim ol aposel. Em i gat 4-pela pikinini meri ol i no marit. Ol i save autim tok bilong God olsem profet." Aposel 21:8,9. God i yusim ol pikinini meri bilong Filip long autim tok profet long ol pipel.

"Na long lain bilong Krai, i no gat ol Juda na ol Grik. I no gat ol wokboi nating na ol man i stap fri. I no gat ol man na ol meri. Nau long Krai Jisas yupela olgeta i stap wanpela tru." Galesia 3:28. I no gat wanpela spirit man o spirit meri. Em i wankain Holi Spirit bilong God tasol i stap long man na meri wantaim.

"Orait bihain, profet meri Miriam, susa bilong Aron, i kisim wanpela kundu na olgeta meri tu i kisim kundu na i go bihainim Miriam. Ol i paitim ol kundu na ol i wok long singsing na danis. Na Miriam i mekim song long ol olsem, "Singim song long Bikpela, long wanem, em i winim bikpela pait tru. Em i tromoi ol hos wantaim ol man i sindaun long ol hos i go insait long solwara." (Kisim bek 15:20, 21)

Em i bikpela samting long ol meri i go insait long pait wantaim danis na musik profet.

"Long dispela taim i gat wanpela profet meri i stap, nem bilong en Debora. Em i meri bilong wanpela man, nem bilong en Lapidot. Long dispela taim Debora i wok long givim tingting bilong God long ol Israel. Barak i harim dispela tok na em i tokim Debora olsem, "Sapos yu kam wantaim mi, bai mi go. Tasol sapos yu no kam, bai mi no inap i go. Na Debora i bekim tok olsem, "Orait bai mi go wantaim yu na bai yu winim pait. Tasol bai yu no inap kisim biknem, long wanem, Bikpela bai i givim Sisera long han bilong wanpela meri." Orait Deobra i kirap na i go wantaim Barak long taun Kedes." (Hetman 4:4, 8, 9)

Bel bilong ol meri, em i save malu malu na bel isi spirit bilong ol i mekim isi long ol i harim tok-tok bilong spirit. Holi Spirit i save yusim ol long pait bilong profet na spirit, kain olsem Debora na Esta. Ol meri nau i mas kirap long kisim ples bilong ol insait long bodi bilong Krai, long helpim ol man long wok bilong kingdom bilong God.

Sapos yu laik toktok moa o yu nidim prea na helpim, yu ken rait long: **Evangelis Barbara Lunge, ROGIM, P.O. Box 3063, Boroko, NCD, PNG, o ringim em long BM 67331426 OR 71075829 DG**



Maryanne Hereva, Trukai Trade Maketing Menesa givim piksa sek i go long na Donald Hallam, Westpac PNG Ekting Rijonal Jeneral Menesa.

Trukai givim pawa long ol meri

Trukai Indastri, i givim K20,000 long Westpac Outstanding Wimen Awot, long strongim sponsa bilong ol long seksen bilong Komyuniti Sevis Awot.

Long 11 Septemba, Trukai i tokaut olsem em i go het yet long sapotim WOW awot taim ol i givim wanpela sek insait long wanpela liklik seremoni.

Westpac Outstanding Wimen Awot I winim namba 7 yia long givim luksave long ol meri husat i save mekim nambawan wok insait long komyu-

niti, aninit long kain kain eria.

Trukai i save sapotim seksen, bilong 'Komyuniti Risposibiliti Awot'. Dispela seksen i save luksave long ol meri i save wok long menesmen insait long ol not-for-profit o non-gavmen ogenaiesen sekta.

"Mipela i laik strongim ol komyuniti, sastenebel developmen, laip skil na empawamen," Nesenel Maketing Menesa bilong Trukai Indastri, Pamela Penrose i tok.

"Em i bikpela ona long mipela long sapotim dispela nambawan eria bilong WOW," em i tok moa.

Penrose i tok moa olsem Trukai i kisim luksave long stap wantaim dispela program wanpela moa taim long sapotim gutpela stori bilong ol meri Papua Niugini. Trukai bai helpim yet dispela program long ol yia i kam.

Ekting Westpac PNG Rijonal Jeneral Menesa, Donald Hallam, i tok, Westpac i ama-

mas long Trukai i save sponsa long dispela Komyuniti Sevis Awot seksen.

"Oltaim Trukai i save stap long luksave long gutpela wok helpim ol meri Papua Niugini i save givim long komyuniti, na yumi givim luksave long ol long dispela wok ol i mekim long kamapim wanpela hap ol meri i ken sanap long em." Mista Hallam i tok.

Westpac bai holim Outstanding Wimen Awot long Oktoba 16, 2013.

Ol Ponam Kalsa i danis long Tuna Forum

Frieda Sila Kana i raitim

NAMBA 4 Pasifik Tuna indastri na Tred Forum long Honiara, Solomon Ailan i bringim kain kain lain.

Wanpela bilong ol grup i kamap em ol Ponam Kalsa grup bilong Ponam Ailan long

Manus Provis.

Dispela kalsa grup em bilong Ponam Ailan i bin go wantaim ol deliget bilong PNG long danis na kirapim skin bilong ol forum deliget long Honiara. Em i namba wan taim stret bilong dispela kalsa grup i lusim ailan bilong ol na i go long PNG na

ausait long PNG.

Rachel Moleh na man bilong em Raymond i memba bilong dispela kalsa grup. Rachel em i tokim Wantok ripota olsem, "Mi gat bikpela intres long kamaut lusim liklik ples bilong mi Ponam Ailan, i go long bik ples Manus na gen i go moa long

PNG na nau Solomon Ailan. Em i bikpela samting tru."

Rachel em i gat tupela pikinini em i lusim wantaim mama bilong em na tupela man bilong em i go wantaim kalsa grup bilong ol long Honiara.

Wantok klinap... Raun lukim ol mama na pikinini

BSP Benk i bin holim enuel go green klinap kempein 2013 long Sarere 20 Septemba na *Wantok Niuspepa* woklain wantaim famili i bin wok wantaim ol tu.

Ol *Wantok* lain i klinim ausait long opis bilong NAQIA na Abel Komputing we *Wantok Niuspepa* opis i stap long en. Ol mama na ol pikinini i amamas tru long

wokim dispela bilong wanem em i helpim gutpela gras long gro taim ol narapela rabis i kla.



Ol mama na pikinini bilong *Wantok Niuspepa* i helpim long klinim ausait long Abel Komputing opis long taim bilong Go Green Klinap de bilong BSP long Sarere 20 Septemba. Foto: Veronica Hatutasi

Koabu bai gat haiskul

DIVELOPMEN Sekreteri bilong Yunaitet Sios (UCPNG), Uvenama Rova, wantaim Bena Seta, CPP Menesa bilong UCPNG i bin bungim ol sios lain bilong Westen Rijon insait long Sinod ol i bin holim long Septemba 2 i go 7 long Sevimbau ples, long Fly Riva.

Tupela i bin stori long wok bilong Divelopmen Yunit na sapot bilong Yunaitet Sios i go long ol rijon bilong sios long PNG. Ol memba bilong sinod i bin amamas long tupela i go bung wantaim o na givim sampela gutpela tok-save bilong ol wok divelopmen ol inap long mekim long

rijon bilong ol.

“Bishop, Rev Lawes Waia i bekim tok bilong mipela, na em i tok bai em i sapotim wok bilong divelopmen. Em i tok olsem, 8-pela seket minista na deliget bilong sinod i amamas long Divelopmen Yunit i wok gud wantaim ol rijon,” Mista Rova i tok.

Long dispela taim, tupela menesa bilong UC Divelopmen Yunit i go lukim tu ol skul long Koabu ples arere long Fly Riva. Long lukluk raun bilong tupela, ol i lukim olsem ol dispela ples i no gat haiskul klostu long ol. Olsem na bikpela namba bilong ol sumatin i pinisim praimer skul i stap nating

long ples.

“I mas gat wanpela haiskul i mas stap long dispela hap, bilong wanem populesen i kamap bikpela na planti sumatin i wok long pinisim gut praimer skul nau, tasol i no gat haiskul,” Mista Rova i tok.

Wantaim helpim bilong Sios Patnasip bilong Yunaitet Sios, ol i kamapim pinis tupela haus tisa na wanpela klasrum long redi long nupela haiskul. Nau ol i wok long redi long rejista. Ol pipel i amamas tru long nupela divelopmen i kamap. Ol papagraun i givim graun long putim ol edukesen sevis bilong ol.

Tupela haus tisa na wanpela klasrum long nupela Koabu haiskul long Fly Riva.



Westen Rijon Sinod i kamap long 2-7 Septemba 2013.



Jane Kennedy bilong Yunaiting Wol wantaim YAP Tim bilong Bogenvil, long YAP Senta, Siwai.

Bougainville Yut Ambasada Program

Uvenama Rova i raitim

UVENAMA Rova, Divelopmen Sekreteri bilong Yunaitet Sios (UCPNG) wantaim Jane Kennedy bilong Yunaiting Wol, long Australia (UWA) i bin raun i go long Yunaitet Sios rijon bilong Is Nu Briten na Bogenvil stat long 19 i go 23 Ogas 2013.

Ol i bin go bungim ol Yang Abaseda bilong bel isi (bel isi) long Bogenvil rijon. Taim tupela i stap long Bogenvil, tupela i bin bungim ol lain i bung long sinod bilong Bogenvil long Tonu, Siwai long 19 i go 23 Ogas.

“Raun bilong mipela i go long Bogenvil, em i namba wan lukluk raun bilong Jane Kennedy, olsem patna bi-

long mipela long divelopmen i kam long Yunaiting Wol, Australia,” Uvenama Rova i tok.

“Mipela i go bungim ol “Yappers” em ol voluntia na ol dairekta bilong YAP taim mipela i go long Arawa na stap long Bovo Transit Lodge. Australia Gavman i bin givim mani long wokim dispela transit Lodge, bilong helpim long kamapim bel isi wantaim wok bilong Yang Ambasada Yunaitet Sios i ranim wantaim helpim bilong Sios Patnasip Program. Transit Lodge em i save bringim man i kam insait long helpim YAP wok tasol ol i sot long sapot long gavanens na gutpela menesmen.

“Mipela bung wantaim Hubert Dious, kodineta bi-

long YAP wantaim sampela dairekta, ol wokman na volantia long Arawa.

Sampela ol memba bilong YAP em ol lain i bin stap insait long pait. Ol i tok God i kisim bek ol long taim nogut, long mekim wok bilong em long kamapim bel isi, long Bogenvil.

Usaia na Steven i save lukautim YAP Senta long Siwai. Olsem na taim mipela i stap long hap, mipela i dediketim Steven olsem asisten kodineta blong senta. Long senta, kodineta na ol volantia i planim kakao bilong kaikai na long salim long lukautim ol yet na ol famili bilong ol. Ol i save holim ol woksop na ol miting bilong paitim toktok bilong bringim bel isi long dispela senta.

ELC/PNG Lae Siti Seket laikim senis

Paulus Tali i raitim

NAMBA 27 KONPRENS bilong Evanjelikel Luteran Sios bilong Papua Niugini (ELCPNG) Lae Siti Seket, namel long arapela wok bilong sios, em i bin toktok long seket i mas i gat konstitusen bilong em yet. Ol deleget bilong 16 peris bilong siti seket i bin toktok long dispela tok bilong konstitusen long bung bilong ol las mun.

Wanbel peris long Ten Siti i bin lukautim dispela konprens we moa long wan tausen deleget bilong Lae Siti i bin bung. Bikpela mak bilong konprens em ol i bin toktok long wok Gutnius i mas kamap strong insait long siti. Tok i sutim pinga i go long ol sios wokmanmeri i mas sanap strong na mekim wok bilong kisim bek ol sipsip husat i lus nabat.

Tok bilong God long Matyu 7:12 i sanap stia bilong kon-

prens i sut long pasin bilong laikim narapela. Planti taim ol Kristen i save popaia long pasin bilong laikim na i no lukluk long manmeri husat i sot long samting. Tok i kamap olsem, pasin bilong givim em tasol em inapim pasin bilong lotu.

Konprens i lukluk moa long wok insait long wan wan level bilong sios i mas sanap antap long Gutnius tasol. Na pasin bilong apim biknem i mas pinis na olgeta sios memba i mas wok bung wantaim na strongim bilip bilong wanpela na arapela.

Pasto Jack Gagara bilong Benong peris i bin tok ol Kristen i mas sanap antap long bilip tasol. Kaikai bilong bilip bai soim olsem, ol manmeri bai stap wantaim pasin bilong laikim, na dispela bai bringim blesing bilong Bikpela insait long Kristen laip bilong ol.


Em i tok, pasin bilong ol wokmanmeri na sios lida i mas daunim ol yet na wok

bung wantaim. Em i tok dispela pasin bai kamapim gutpela sindaun na sios bai sanap strong long pasin bilong bilip na laikim arapela manmeri insait long ministri bilong Luteran sios.

Tresera bilong ELCPNG Lae Siti Seket, Ben Woo, i tok yumi Kristen i mas sanap strong long bilip na mekim pasin bilong helpim arapela. Long dispela rot, sios bai kisim strong na sanap na go insait long ol nupela senis. Long wanem, pasin bilong givim bai mekim sios i sanap strong.

ELCPNG Wanbel peris insait long Zone 1 i bin lukautim paia na givim i go Zone 2 long lukautim 2014 konprens. Lae siti seket Presiden Rev. Baafekec Bamiringnuc i bin tok amamas long Wanbel peris i bin lukautim bung. Em i tok, “Hatwok yupela mekim i givim biknem i go long God wanpela tasol.”

Happy 3rd Birthday to
 “Onnsy Moses Matuka” (26.09.13)



“On your birthday, you might feel extra special. But, we think you're pretty special every day”

Love & Best Wishes from mum, dad, Shirn, rest of the family @ Kp, JV, Toks, Taurama, Daru & vavas in Lae.

WOL NIUS LONG POTO



Ol teroris i bin atekim dispela shopping senta long Sarere long taim ol pipel i pulap long wokim soping bilong ol na ol i kilim 62 pipel. Wampela man Australia, Ross Langdon bilong Tasmania na pren meri bilong Elif Yavuz bilong Holan i bin dai long dispela birua.

Imigresen Minista bilong Australia bai go long Manus

Wampela lida bilong Manus i tok bai em i toktok wantaim Imigresen Minista bilong Australia long taim em i go long Manus.

Australia i bin salim ol asailam sika long Krismas Ailan i go long Manus long kirap bilong mun Ogas.

Memba bilong Manus long Palamen, Ronnie Knight, i bin tok Australia i mas helpim ol pipel bilong Papua Niugini na Manus Provins long stretim na strongim transpot sistem bilong provins sapos em i no laik givim wok long ol lokal kampani long sanapim nupela ditensen senta bilong Australia long ailan.

Mista Knight i wok long mekim planti tok-tok olsem ol pipel bilong Manus i no stap insait long ol wok bilong sanapim dispela senta, long wanem olgeta wok i stap long han bilong ol bisnis bilong Australia yet.

Mista Knight i tokim Radio Australia em bai tokim Mista Morrison long larim ol lokal bisnis tu stap insait long wok bilong stretim dispela ditensen senta.

Em i laik lukim sampela kontrak wok i mas go long ol kampani long Manus.

Na i gat toktok i bin stap em Mista Ronnie Knight i tok ol Manus bai inap kisim wok taim olgeta wok bilong stretim ditensen senta i pinis, tasol em i no amamas long dispela.

Ol wok i kamap long dispela taim nau em long sanapim na wokim dispela "temporari" senta i go bikpela moa. Tasol wok bilong sanapim pemanen senta i no stat yet.

Eitpela Solomon Ailan wokman i paulim gavman

Gavman i rausim eitpela wokman long wanem ol i sutim tok long ol i stilim mani bilong gavman

Barnabas Henson bilong Join Sivil Sosaiti Grup long Solomon Ailan i tok ol i sem tru long sampela pablik sevan i yusim nating mani em ol narapela kantri i givim long helpim Solomon Ailan.

Toktok bilong ol i kamap long wankain taim we gavman i rausim eitpela wokman bilong Helt ministri bihain long ol i sutim tok long ol long kisim nating 1.3 milien US\$ (moa long K3milien) bilong ministri.

Ol ripot i kam long Honiara i tok olsem opis bilong Praim Minista i tok, dispela i soim olsem wankain pasin i save kamap tu long ol narapela gavman ministri.

Join Sivil Sosaiti Grup i tok dispela mani

em ol dispela pipel i kisim nating em i bilong helpim ol pipel bilong Solomon Ailan na i no bilong ol i stilim nating.

Papua Niugini bai i gat namba wan lain meri ami opisa

Namba wan lain PNG meri ami opisa kedet i wokim ol strongpela trening ekse-sais wantaim Niu Silan Ami Kepten, Anika Tiplady.

Dispela foapela meri kedet i bin pinisim wampela hatpela lidasip trening kos we i givim taim long bodi na tingting bilong ol.

Ami kepten Anika Tiplady i tok tripela meri long dispela kos i ting bai ol i greduet insait long nainpela mun.

Em i tokim Pasifik Bit Progem bilong Redio Australia olsem ol meri ami opisa insait long PNG i kisim bikpela salens long ol man long dispela wok.

Em i tok dispela i no isi bikos ol i stap long kantri we ol man i save go pas long olgeta samting.

Kepten Tiplady i tok ol meri i bin soim long pasin bilong ol long trening olsem ol inap mekim wok bilong ol.

Kepten Tiplady i tok taim em i statim trening em i save long ol hatpela wok ol meri PNG i mas mekim long kisim gutpela risal.

Em i tok long taim ol lokel pipel i lukim ol meri i putim yunifom na go pas long ol kain wok olsem, bai i kirapim tru tingting bilong ol arapela pipel, na em i gutpela samting.

Ol teroris i kisim Nairobi mall: ol soldia i kisim bek

Gavman bilong Kenya long Afrika, i tok em i kontrolim gen olgeta eria bilong bikpela stua long Nairobi, Westgate Shopping Mal, em ol Muslim teroris i bin kisim na holim inap tupela de. Ol dispela paitman i bilong lain ol i kolim Al Shabaab, em hap han bilong Al Qaeda.

Ol i bin atekim dispela shopping senta long Sarere long taim ol pipel i pulap long wokim soping bilong ol na ol i kilim 62 pipel. Wampela man Australia, Ross Langdon bilong Tasmania na pren meri bilong Elif Yavuz bilong Holan i bin dai long dispela birua.

Blakpela Smok i kam long Westgate Mall long Nairobi taim ol pipel i stap long han bilong ol rebel soldia klostu i pinis. Gavman bilong Kenya i tok ol i kontrolim long olgeta hap bilong dispela bikpela stua we ol Muslim paitman i bin kisim na holim inap moa long tupela de.



Nairobi: Kenyan Difens Fos soldia i stap long ples bilong Nairobi mol sutaut, Septema 22, 2013
Kenya Difens Fos (KDF) i kam kamap nap ait wantaim ol Somali militen husat ol i hait na stap insait long Westgate mol long Nairobi, we planti kastoma na wok manmeri i dai insait na autsait long ka pak. Wampela man Australia husat i skul long Yunivesti bilong Nairobi i dai long dispela birua. Difens Fos na Polis i bung na kilim dai sampela bilong ol dispela militen grup bihain long ol i rausim ol manmeri long bikpela stua.



Pakistan: Pakistan voluntia grup i karim wampela kristen man husat i kisim bagarap long wampela suisaid boma long haus lotu long Peshawar long Septemba 22, 2013.
Tupela suisaid boma i bin kilim 53 manmeri na bagarapim moa long 100 pipel long wampela lotu sevis i bin kamap long notwesten Pakistan long siti bilong Peshawar.



United State: Obama givim belisi long femili...
US President Barack Obama na Fes Ledi Michelle Obama i holim pasim ol femili husat lewa bilong ol i dai long Washington Navy Yard birua long wampela memoriel sevis i go long ol turangu long Washington long Septemba 22, 2013.

Nau bai ol memba i gat moa taim wantaim pipel



I luk olsem neks yia 2014, em i yia bilong ol memba bilong Palamen i malolo gut tru. Ol i senisim pinis konstitusen o mama lo we i toktok long hamas de Palamen i mas kibung long wanpela yia. Bipo lo i bin tok Palamen i mas bung 63 de long wanpela yia. Nau ol memba i senisim na putim 40 de tasol long kibung.

Long dispela kibung bilong Palamen long September, ol memba i bin bung inap 8-pela de tasol na kamapim tupela bikpela lo bilong lukautim gavman. Dispela lo i givim ol memba sotpela taim bilong kibung na narapela i stopim ol vot i no gat bilip long gavman inap long tripela yia. Na ol i wokim bikpela senis nau tu, we gavman i tekova na bosim Ok Tedi Main. Kibung bilong Palamen i pinis nau na ol memba i go malolo inap mun Novemba we ol bai bung gen long tokorait long baset bilong 2014.

Ating long taim ol memba i sotim taim bilong kibung bai gavman tu i sevim bikpela mani em ol i save spendim long taim Palamen i kibung. Em i gutpela bikos kantri i nidim moa mani long stretim ol haus sik na baim marasin na givim trening long ol dokta na nes. Nius bilong dispela wik i toktok



strong long bikpela bagarap i wok long kamap long ol haus sik long kantri. Olsem na long baset bilong 2014, ol pipel bai laik lukim mani skel bilong Palamen i surik i

kam daun bikos bai no gat planti de bilong kibung. Na ol pipel i laik lukim moa mani i mas go long stretim ol haus sik, baim marasin, stretim ol ikwipmen i

bagarap na kisim moa nes na dokta long wok.

Ol memba bilong Palamen bai mekim wanem kain wok long taim ol i malolo. Bai ol i raun long wan wan

ilektoret bilong ol na lukim pipel o nogat? PNG em i wanpela kantri we i no gat opis bilong ol memba i stap ples klia long ilektoret bai ol pipel i ken luksave na karim wari bilong ol i go long en. Planti memba i save hait tasol long opis bilong ol long Palamen haus long Mosbi. Mekim olsem na ol pipel long ilektoret i mas baim balus na go long Mosbi long lukim ol. Em wanem kain pasin ya? Long taim bilong ileksen yupela i hait long ol pipel tu o nogat? Ating nogat ya.

Wok bilong memba bilong Palamen em i bilong raun insait long ilektoret, lukim wanem samting i kamap, harim wari bilong pipel, skelim stret mani i go long ol wok insait long ilektoret na makim ol pipel bilong ilektoret long taim Palamen i kibung.

Na long Palamen, namba wan wok bilong memba i bilong autim ol wari bilong pipel bilong ilektoret. Tasol namba tu bikpela wok bilong memba em long wokim ol gutpela lo bilong Papua Niugini. Em tasol.

Ol 32 minista bilong gavman na ol 22 gavana bilong provins i gat wok bilong mekim long taim ol i no sindaun long Palamen. Na long hap sait bilong Opo-

sisen tu, ol i gat wok.

Oposisen i mas was long wanem samting gavman i mekim na i mas opim maus na tokim ol pipel bilong Papua Niugini sapos wok i no ran stret tumas. Sapos ol i mekim olsem, ol pipel bai luksave olsem demokrasi long PNG i strong yet maski sapos yumi gat 6-pela memba tasol long Oposisen.

Olsem na ating long 2014 bai ol pipel i lukim pes bilong memba oltaim long ilektoret bikos em i no inap spendim planti de tumas long Mosbi long kibung bilong Palamen.

Bikpela wari bilong PNG tude em pasin bilong skelim sevis na mani i go long ol provins i no kamap gut tumas. I luk olsem skel bilong sampela i winim ol arapela.

Dispela toktok bilong ol bikpela projek i bringim bikpela profit i kam insait long kantri em i driman tasol. Bai em i no karim kaikai long laip bilong planti pipel bilong yumi.

Na ol lida i no ken mekim giaman toktok olsem bai olgeta samting i orait bikos em ol tokwin tasol. Kain toktok olsem i bilong strongim bilip long kago kal. Em i rabis bilip na yumi givim baksait long en.

Wok tasol bai lukim kaikai i kamap. Nau em i taim bilong ol memba i mas soim pes bilong ol na mekim wok bilong sevim ol pipel. Ol i gat moa taim nau long kamapim wok na helpim tru ol pipel long ilektoret.

BSP sasim planti fi tumas

Stanley Nondol i raitim

BIKPELA komesel benk long kantri, Bank South Pacific i sasim planti fi long ol kastoma na no gat gutpela winmani olsem na gavman i mas kamapim lo long benk i givim gutpela sevis long ol kastoma, planti bilong ol em ol grasrut.

Memba bilong Manus Ronney Knight i bin autim dispela wari bilong em long las wik Fraide long Palamen. Em i tok gavman i mas hariap long kamapim lo na kontrolim BSP Benk long no ken sasim kain kain fi long ol kastoma.

Mista Knight i tok long taim bilong Papua Niugini Benking Kopresen, ol pipel husat i putim mani long benk i save lukim

winmani long sampela taim bihain. Tasol em i tok nau BSP Benk i no gat winmani.

Mista Knight i tok, sapos wanpela kastoma i putim K300 long BSP Benk na bihain long 2 o 3-pela yia, bai BSP i rausim olgeta mani long kain kain fi bilong benk na no gat mani bai stap long benk. Na i no gat winmani long dispela mani tu.

Mista Knight i tok dispela pasin bilong benk i givim bikpela hevi long ol grasrut Papua Niugini husat i laik sevim liklik mani long benk na mekim winmani.

Mista Knight i tok BSP Benk i yusim mani bilong ol pipel long mekim bisnis long kantri na i kisim bikpela winmani long bikpela milien na bilong wanem em i save sasim kain kain fi na

kisim mani bilong ol pipel na i no givim winmani.

Mista Knight i singaut long gavman mas kwiktaim stretim lo long bainism mani bilong ol pipel bilong kantri.

Minista bilong Tresari Don Pley i tokaut long dispela pinis olsem Benk bilong Papua Niugini i lukautim lo bilong ol komesel benk na i save tok orait long ol kain kain fi ol i sasim long ol kastoma.

Mista Polye bin tok em bai toktok wantaim gavna bilong Sentral benk long dispela hevi. Nau yet no gat wanpela tokaut i kam long BPNG na BSP i wok long saism ol kastoma long ol kain kain fi.

Memba bilong Manus i tok tu long rot bilong BSP Benk long kiam ol gavman sek em long-

pela tumas na ol save askim long kain kain pepa we i no stap long wok bilong ol.

Mista Knight i tok taim ol memba bilong palamen i laik putim sek bilong projek long benk, BSP laik lukim miting minit bilong JDPBPC na ol projek pepa. Mista Knight i tok BSP em i no gavman opis na ol askim planit askim we i no stret.

Mista Knight i tok taim ol JDPBPC i givim ol pepa benk i askim long en, taol i save kisim sampela mun long BSP i klaim sek.

Mista Knight tok BSP i penim gutpela grin kala long olgeta hap tasol gavman i mas lukluk long kamapim gut BSP na benk i ken givim gutpela sevis long ol pipel na i no sasim ol kain kain fi na pinisim mani bilong ol grasrut PNG.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579

Email: editorial@wantok.com.pg Websait: www.wantokniuspepa.com Pe bilong wanpela yia, 52 niuspepa

| Ples: | Air: |
|-----------------------|------------|
| PNG | K220.00 |
| AUSTRALIA | US\$110.00 |
| ASIA PACIFIC na JAPAN | US\$150.00 |
| AMERICA na EUROPE | US\$210.00 |

General Manager Elizabeth Konga Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 50%, Lutheran 25%, Anglican 10%, United Church 15%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general term acceptance are available at Word Publishing Company Ltd and are set out full on the display advertising terms.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...



Yellow Top na Amidel Trabs string ben stap yet

Nicky Bernard i raitim

PLANTI long ol bipo lain bai no inap long lus tingting sapos ol i harim long radio sapos dispela tupela orijinal string ben bilong Rabaul na Kokopo i pilai long radio.

ol, tasol ol i no lusim nating. Ol i lainim ol pikinini bilong na sampela yangpela long karim nem bilong ben, ples na provins tu wantaim. Planti long ol turis i save go long Is Niu Briten em dispela tupela ben i save amamasim ol, na planti i save ai op long lukim ol i pikim string bilong gita na singsing.

5-ki original bai stap yet. Yello Top i bilong liklik ples To-tovel long Not Kos Rabaul, na Amidel Trabil bilong liklik ples Rangua long Kokopo. Dispela tupela string ben i bin pulim ai na tingting bilong sampela ol bikman, na dispela i bringim ol i kam long Mosbi.

Dispela tu i opim ai bilong ol Palaman memba na tu, tupela memba bilong ol. Dispela tu em i tru tru original ben bilong ENB, na long wiken, ol bin amamasim ol Is Nu Briten lain long Mosbi taim ol i holim provinsal de bilong ol long Bisini pilai graun.

EMTV Television Guide

FONDE SEPTEMBER 26, 2013
9:08 PM G HOT SPOT EP#33
9:30 PM G ELITE MUSIC ZONE EP#34
10:00 PM G NRL FOOTY SHOW
11:30 PM G NEWS REPLAY

4:30PM DOGSTAR EP#16/26
5:00 PM G KITCHEN WHIZ S4 EP#28
5:30 PM G LAST MAN STANDING Yr.1. Ep. #20/23 -
5:55 PM G CRIME STOPPERS
6:00 PM G EMTV NATIONAL NEWS
7:00 PM G IN MORESBY TONIGHT
7:30 PM G PRELIMINARY FINAL #1 TBA

7:00 AM G IN HIS STEPS EP#4
7:30 AM G ULTIMATE GUINNESS WORLD RECORD #41
8:00 AM G YOGA SUTRA Ep#27Rpt.
8:30 AM G Totally Spies Yr1 Ep #21/26 rpt
9:00 AM G Dani's House Yr2Ep #8/13 rpt
9:30 AM G PARROT MAGICIAN - EP#6 -
10:00 AM G Trapped Yr 1 Ep# 21/26
10:30 AM G Last Man Standing Yr 1 Ep.
11:00 AM G AUSTRALIA NETWORK
5:30 PM G OLSEM WANEM Ep#36
6:00 PM G EMTV NATIONAL NEWS
6:30 PM TBA
7:00 PM G NRL: PRELIMINARY FINAL #2
9:00 PM PGR GLEE Yr.3 - EP#3 - Repeat
10:00 PM PGR HOMELAND EP#3 - Repeat
11:00 PM G EMTV NEWS REPLAY

8:57 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN "7135"
7:00 AM G HILLSONG
Join Pastor Brian Houston every Sun day morning as he teaches to changes mindsets and empower people to lead and impact every sphere of life.
7:30 AM G AUSTRALIA NETWORK
8:00 AM G YOGA SUTRA Ep#29
8:30 AM G BUSINESS PNG# 37 Rpt.
9:00 AM G MARTIN MYSTERY
9:30 AM G OLSEMWANEM- Ep# 36Repeat
10:00 AM G RESOURCE PNG -Ep# 89Repeat
11:00 AM G ITALIAN FOOD Ep# 12/14-
11:30 AM G AROUND THE WORLD IN 85 PLATES Ep#41
12:00 PM G AUSTRALIA NETWORK

FRAIDE SEPTEMBER 27, 2013
4:57 AM G AUSTRALIA NETWORK
5:00 AM G JOYCE MEYER - 1043-4
5:30 AM G EMTV NEWS REPLAY
6:00 AM G TODAY
Malolo club -
Programs To be confirmed.
3:30 PM G KIDS KONA
3.30 PM HI 5 - S7 EP#6/47
4:00PM BACKYARDIGANS EP#8/29
4:30PM DOGSTAR EP#15/26
5:00 PM G KITCHEN WHIZ S4 Ep#27
5:30 PM G TRAPPED YR.1 EP#21
6:00 PM G EMTV NATIONAL NEWS
7:00 PM G RAIT MUSIK EP#181
8:00 PM G RESOURCE PNG EP#90
9:00 PM G SOKA XTRA EP#92

SARARE SEPTEMBER 28, 2013
4:57 AM G AUSTRALIA NETWORK
6:00 AM G EMTV NEWS REPLAY
SANDE SEPTEMBER 29, 2013

TORO



BIABIA



KANAGE



TOKWIN

Pasim Buai long Mosbi Gutwan Gavana bilong NCD long pasim buai long siti. Planti pipia na spet bilong buai long siti i bagarapim lukluk bilong siti. Pasim olgeta! Lastaim ol manmeri i bung na komplem wantaim Michael Kondiu na loya bilong ol i westim taim bilong ol. Michael Kondiu i save kaikai buai we? Em wanem? Narapela kempen bilong em long 2017 ileksen? Yu ting ol buai lain i votim Powes Parkop long kamap Gavana? Em mipela ol wokmanmeri bilong NCD i votim em, bikos

mipela i rejista long komon rol. Yupela ol buai lain stap we na kam bagarapim ples. Mi save olsem nogat nem bilong yupela stap long komon rol. Olsem na Michael Kondiu i lus bikos ol votas bilong em i nogat nem long komon rol. Go bek long ples bilong yu! Graun i stap long mekim moni, maski lesles na mekim kwik mani long salim buai/smuk na bagarapim gutpela siti bilong Mosbi. Gohet Powes, yu lida tru, pasim buai na stretim siti.

Liklik ren tasol na rot bagarap long Rainbow Dispela liklik ren kamdaun laswik long Mosbi i bagarapim

pinis mausrot bilong Rainbow viles. Las yia bikpela ren i kamdaun na bagarapim dispela seim hap na ol residen long hap i komplem na NCD kam stretim we dren bilong renwara sapos long go insait i blok na ol i rausim pipia na wara kapsait go bek na rot i gutpela. Wankain samting i kamap gen. Taim Mosbi i drai, ol residen long hap wok long tromoi pipia bilong ol insait long dispela dren na lus ting olsem wanpela taim bai ren gen na nau yumi lukim pinis olsem liklik ren tasol i kamap na mausrot yah i luk olsem draipela raunwara bilong Brown riva i karamapim. I no long taim na ol dispela giaman maŋgi bilong blok bai kam na askim long K2 na K1 taim ol i karamapim long graun... Tokwin Tasol..

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU. Long solvim Sudoku pasel, putim wanpela namba long wan wan bokis na olgeta ro olsem akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolom, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolom bai namba 3 i go.

Nambawan sain i stap long namba 8 kolom insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolom.

Yumi ken rausim tu tripela bokis daunbilu tru long namba 9 kolom bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolom.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait — em namba 3 bokis bilong namba 9 kolom.

Bihainim dispela stail na wankain tingting na rausim i nap ol pasel bokis i pulap olgeta. Sapos yu laik save moa long insait bilong dispela pilai, yu ken go long webait long penny-dellpuzzles.com.

EXAMPLE Sudoku grid with numbers 7, 9, 6, 7, 1, 2, 3, 8, 6, 7, 7, 8, 5, 5, 2, 6, 3, 8, 4, 1, 9, 5, 8, 4, 9, 2, 1, 2, 1, 3

EXAMPLE SOLUTION Sudoku grid with numbers 8, 4, 7, 9, 6, 3, 5, 2, 1, 1, 2, 3, 8, 4, 5, 6, 7, 9, 5, 9, 6, 1, 2, 7, 4, 8, 3, 9, 7, 8, 3, 5, 4, 1, 6, 2, 4, 5, 1, 2, 9, 6, 7, 3, 8, 6, 3, 2, 7, 1, 8, 9, 5, 4, 7, 1, 9, 6, 3, 2, 8, 4, 5, 3, 8, 4, 5, 7, 9, 2, 1, 6, 2, 6, 5, 4, 8, 1, 3, 9, 7

Ansa bilong las wik SUDOKU 12

Sudoku grid for puzzle 12 with numbers 9, 7, 6, 4, 5, 8, 1, 3, 2, 3, 1, 8, 6, 7, 2, 5, 9, 4, 2, 4, 5, 3, 9, 1, 8, 7, 6, 4, 5, 3, 1, 6, 7, 2, 8, 9, 7, 8, 1, 5, 2, 9, 6, 4, 3, 6, 9, 2, 8, 4, 3, 7, 5, 1, 1, 3, 7, 2, 8, 4, 9, 6, 5, 8, 6, 4, 9, 1, 5, 3, 2, 7, 5, 2, 9, 7, 3, 6, 4, 1, 8

Sudoku grid for puzzle 13 with numbers 3, 6, 8, 9, 9, 3, 5, 4, 9, 7, 3, 1, 1, 9, 3, 2, 5, 1, 1, 7, 8, 8, 7, 1, 9, 6, 9, 2, 5, 6, 2, 4, 5, 1, 6, 3, 4

Ansa bilong SUDOKU 13 long neks isu.

EMTV Television Guide

Table with columns for time, program name, and date. Includes programs like EMTV NATIONAL NEWS, JOYCE MEYER, TUNDE SEPTEMBER 24, 2013, and TRINDE SEPTEMBER 25, 2013.

Ol Progam na Kilok i ken tenis oltaim...

Wiken poto



KLINIM MOSBI: Las Sarere i lukimplantiskulpikinini, olyangpelanaol mama i bihainim BSP Benk long Klinimples program bilongol. Hiaemtupelayangpela, i hap bilong Word Publishing Kampaniwoklain i bin joinim BSP Benk, Nigel Manakona Chloe Matuka i wangepelaGret 3 sumatin long Sen John's Praimeri, Tokara, i bungimolpipia long saitbilong rot naolopisolemNaQIA, Able Computing, BSP Waigani, Word Publishing, BOC Gesna WIP. *Poto: Frieda Kana*



MIPELAREDI: OldispelapikinibilongTokarara i saikap long stapinsait long klinap program bilong BSP. *Poto: Veronica Hatutasi*



9 MAIL MAMA: Ol mama naolyangpelameribilong 9 Mail i kontribiut long klinaptu. *Poto: Veronica Hatutasi*

Raun wantaim Kanage olgeta wik

Kanage ting em haiwe rot

Wanpela taim Kanage go wan spin long island Karkar na tu painim buai long kam salim long asples Kalakai market long Hagen town. Em pinisim laik lo raun, painim inap buai bek nau em kalap long moto na ron i kam bek long bikples Madang. Moto ron i kam namel long solwara na bikpela win i kirap na solwara i bagarap na paitim strong sait bilong moto. Tingting blong Kanage em lok olgeta long buai bek bilong em bai lus long solwara. Seim taim wanpela bikpela solwara stret paitim sait bilong boat na kanage bikmaus, "Skipper! Skipper! you are going off the road!". Baga man ting em ron lo hailans highway. Ol kamap seif long moto long ples Kubugam long bikples Madang na skipper tok tenkyulong Kanage long kam wantaim em long moto bilong em. Kanage bekim na tok, "Solwara tubel long mi tasol mi wanbel long yu na bai mi kam bek gen!"

Karkar Island Madang Province

Tupela kulau i stap

WANPELA moning, Kanage na pikinini man bilong em i go long nambis long sapim kanu. Kanage i tokim misis bilong em long kuk na kam bihain. Pikinini man i sapim kanu i go na Kanage i kisim ples bilong em. Kanage sapim kanu i go na laplap tu i lus. Em nau, rop kulau i kamap ples klia na hangamap i stap. Pikinini i lukim na em tokim Kanage, "Papa. Mi lukim tupela kulau hangamap klostu tru. Inap mi sutim?" Kanage tu tuhat na nek drai na em tokim em long sutim tasol. Em nau boi bilong em kisim wanpela diwai na sutim stret drai kokonas. Kanage kisim bikpela bagarap stret na em i pundaun antap long kanu na tanim tanim olsem wanpela pukpuk. Em kirap



tasol na ron i go insait long solwara. Misis bilong em i kam na lukim Kanage na em i askim em, "Kanage, olsem wanem long yu?" Kanage i kra i wantaim na tok, "Aiyo..misis bilong mi, pikinini sutim stret diwai bilong kokonas na tupela kulau bilong mi bagarap olgeta!"

P Posau Manus

Em i orait, mi man bilong ples
KANAGE em mangi Kabwum. Em i wanpela strongpela plesman stret. Long mun Jun, em kam raun long Lae taun long fes taim. Em i go stap wantaim ol wantok bilong em long tent siti. Long Sarere moning, Kanage tokim mama bilong haus, "Mams, mi laik raun i go long taun?" Mama ya i bekim na tok, "Kanage, sapos yu laik raun, yu mas ekting olsem ol mangi bilong taun. Sapos yu raun olsem ol plesman, ol strit mangi bai holim yu na kisim ol samting bilong yu". Kanage i go werim wanpela longpela bilak jin trauses, KT su na dak glas. Kanage kisim 11 i go long taun. Em i go raun long ol stua na strit long taun. Em i go insait long wanpela stua. Stua ya i gat dispela ol wil long i go insait. Kanage i paol na i go long 'exit' wil. Wil ya i strong nogut tru na Kanage tuhat nating long go insait. Kanage belhat na tok, "Maski, yupela lukim olsem ples man na yupela pasim rot bilong mi!" Sem taim em taitim

bun na wil ya i lus nating na Kanage i go insait. Ol kastoma lap long em tasol. Kanage belhat nogat wanpela man i kam toktok long em.

Snax Bisket Lae

Save kilim Kanage

WANPELA biksot loya long Mosbi kamap long balus i go long Lae. Na em i sindaun long sit wantaim Kanage, husat i laik go bek long ples. Yu save, biksot ya, em maus wara long Kanage na tok em i ken giamanim tru ol manmeri na save bilong em yet moa yet. Em nau loya man ya i askim Kanage long pilai wanpela gem. Kanage i skin les na ilaik silip na tok nogat long bikman ya. Tasol loya man strong yet na tok, "Mi bai askim yu wanpela askim, sapos yu no save long ansa, bai yu givim mi K5 na sapos yu askim mi na mi no save, bai mi givim yu K500!" Em nau ai bilong Kanage i op na tok orait long pilai. Loya man ya laik soim olsem em i gat moa save long Kanage. Loya askim pas, "Hamas kilomita, long Mosbi i go long Lae?" Kanage i no bekim na givim loya K5. Taim bilong Kanage. Kanage askim, "Wanem samting i go antap long mauten wantaim tripela lek na kam daun wantaim foapela lek?" Loya man ya tingting tingting i go nogat na em opim lap top komputa na sekim. Em traime kain kain we i go nogat na em givap. Em kisim K500 na givim Kanage. Kanage kisim mani na pasim ai na silip. Loya man ya i no wanbel olsem Kanage i winim em long save na em kirapim Kanage na askim, "Yu tok klia, em wanem samting?" Kanage isi tasol kisim K5 na givim em. Kanage i no save long ansa olsem na em win long save.

AS

Wasman Bilong Binatang

LNG Projek mani i mekim mi wari

Dia Laipain,

MI WANPELA sios lida bilong wanpela long ol projek eria. Taim peimen bilong projek mani i stat, mi lukim olsem ol lida bilong ol papagraun grup we ol i makim long lukautim mani i save slip long ol hotel na yusim ol haia kar olgeta de.

Planti ol pleslain i lusim ples na go pulap long Mosbi i stap na ol i nogat taim nau long ol sios progrem. Liklik lain tasol nau i stap insait long ol sios progrem. Pastaim i no bin olsem. Nau long ples, spak pasin i no isi na planti famili i bisi long ol samting bilong graun we i no bihainim stretpela pasin Bikman i laikim long en.

Mi wari tru long bihain taim bilong pipel bilong yumi.

Disturbed Christian

Tenkyu tru long autim dispela bikpela samting i wok long kamap nau bikos long LNG Projek.

Mipela i luksave long wari yu gat long pipel bilong yu na moa yet, ol lain i kam bihain.

Pren, dispela i mas opim ai bilong olgeta na ol lida bilong yumi i mas kirap. Yu wok long tok olsem ol sios memba i no moa go insait long ol progrem na sios wok olsem long pastaim? Mipela i bilip olsem yupela i mas mekim samting nau long helpim pipel bilong yumi nau.

Pren, mipela i amamas long yu i skruim strong bilip bilong yu long mekim wok bilong God long ples bilong yu. Mipela i strongim yu long go het na strongim dispela wok bilong Bikman. Maski sampela taim yu bai pilim olsem em yu yet wan-



taim liklik lain memba tasol, noken givap, tasol strongim wok bikos olgeta samting i kamap long laip i gat as na prais bilong em. Ritim Romans 8:28.

Yu toktok tu long pasto bilong yu long wari bilong yu? Sapos nogat, i moabeta yu go lukim em na toktok long ol wari bilong yu wantaim long en. Nogut em tu bai gat wankain wari olsem pasto bilong yu long ples. Dispela tu i ken opim ai bilong pasto long ples. Watpo na mani i pulim ol sios memba na ol i no bisi long wok bilong ol olsem ol Kristen? Olsem wanpela man i wari long komyuniti bilong yu, i moabeta yu toktok wantaim pasto long singautim wanpela bung na bai yupela i kisim tingting bilong pipel long ol samting ya na bai yupela i ken painim sampela rot long stretim ol.

Pren, olsem wanem long yu, yu wanpela lida long wanpisen bilong yu o? Sapos yu wanpela, i moabeta yu kisim dispela wari i go long ol narapela lida na bai yupela i wokim samting long stretim dispela hevi bipo em i go nogut. Pren, developmen i save kamapim ol gutpela na nogut samting.

Mipela i bilip olsem taim pipel i gat gutpela pasin, dispela bai helpim ol long samting ol i laik mekim long laip na sindaun bilong ol. Taim man i no strong long sait bilong gat gutpela pasin, em bai no inap strong long wokim gutpela disisen taim em i lukim bikpela mani na bungim ol

kain salens long laip bilong em. Yu tingting long lukim pasto bilong yu. I moabeta yu toktok long em na em i ken toktok wantaim ol ples lida long stretim wari yu gat long en.

Laip i pulap long planti samting na ol disisen pipel i ken mekim long laip na sindaun bilong ol. Wanem disisen yu wokim nau bai stiaim wokabout long bihain taim bilong yu na mipela i bilip olsem bai yu sanap strong long wok yu mekim bilong Bikpela.

I gat presen tu long olgeta samting wan man i mekim long en. Ol samting bilong dispela graun em bai stap long liklik taim tasol yumi stap laip na taim yumi dai, ol i pinis.

Tasol Tok bilong God stap tru olgeta taim. Ritim Matyu 24:35. Tok bilong God tasol i tru na bai stap laip oltaim oltaim. Olsem mipela i tok pinis antap, go het long karimaut gutpela wok na holim strong long bilip bilong yu. I nogat samting i rong sapos man i gat planti mani, tasol taim man i no yusim gut mani, rong, samting i no stret na hevi i save kamap. God i ken givim yu gutpela tingting.

Pren bilong yu

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



Praim Minista bilong Solomon Ailans, Gordon Darcy Lilo i bilas long sel mani na i kamap long Tuna Forum wantaim Minista bilong Fiseris na Marin Risos. Ol Hona Pan Pipers kalsa grup I stap long welkam.



PUBLIC NOTICE

FURTHER TO OUR PUBLIC NOTICE OF APRIL 01 2013

ALL RECIPIENTS INCLUDING GROUPS, INSTITUTIONS, ORGANISATIONS AND INDIVIDUALS OF THE FUNDS THROUGH THE COMMUNITY BENEFIT FUND ARE URGED TO FURNISH THEIR ACQUITTAL REPORT TO THE BOARD.

ALL REPORTS MUST REFLECT COMPLETION OF THE PROJECT WITH RESPECT TO PURPOSE OF THE ACTIVITIES AUTHORISED. THE REPORT SHOULD INCLUDE; NAME OF THE PROJECT; NAME OF THE PROJECT PROPONENT; YEAR FUNDED; AND INCLUDE COPIES OF PAID INVOICES, RECIEPT ETC.

THE BOARD OF TRUSTEES INTEND TO PUBLISH A LISTING OF FUND RECIPIENTS IN THE NEWS PAPERS, SHOULD YOU FAIL TO ADHERE TO THIS NOTICE.

For further information contact the Community Benefit Fund Division on telephone Number 320 1907.

Please forward all reports in a marked envelope and addressed to office of the:

**Chairman
Board of Trustees
Community Benefit Fund
National Gaming Control Board
P O Box 759
WAIGANI**

[Signature]
**Authorised by
Qwentan Chollai
CHAIRMAN
Board of Trustees**

PNG i gat moa tuna keneri long Pasifik

Frieda Sila Kana i raitim

I LUK olsem, Papua Niugini i go pas tru long namba bilong ol tuna keneri insait long wan wan memba kantri bilong PNA (Patis to Nauru Agrimen).

Bikpela as tingting bilong dispela forum em, "Mekim Tuna invesen Bes long Rijon i kamap bikpela".

Dispela luksave i bin kamap long toktok i kamap insait long namba 4 Pasifik Tuna Forum i bin kamap long 18 na 19 Septemba, long konfrens senta bilong Forum Fiseris Ejensi (FFA) long Honiara, Solomon Ailan.

Olgeta narapela kantri long Westen Pasifik i no gat keneri tasol ol i save ekspotim o salim pis bilong ol i go long ol keneri long narapela kantri olsem Tailen, Filipins na ol arapela kantri long Asia rijon. Solomon Ailan i gat wanpela keneri tasol i PNG nau i gat 4-pela tuna faktori i save wokim keneri na 3-pela em klostu redi long statim bisnis.

Man i stap baksait tru na i go pas long dispela kibung, Sylvester Pokajam, Menesing Dairekta bilong Nesenel Fiseris Atoriti long PNG i tok tu olsem dispela forum em i bikpela tru, i winim ol narapela i bin kamap bipo. Pacific Tuna Forum em Patis tu Nauru Agrimen (PNA) memba kantri i bin pasim tok long kamapim. Nau dispela forum i save kamap long olgeta tupela yia.

Em i tok "PNG gavman i putim K1.7 milien (US\$800,000) long helpim Solomon Ailan long kamap papa long dispela forum."

Presiden bilong Papua Niugini Fising indastri Asosiesen, Pedro Castello Celso i tok strong long ol lain bilong kisim na putim tuna

long tin i mas lukautim gut dispela risos.

"Yumi mas lukautim gut tuna long kaikai long bihaintaim. Pis i mas stap long longpela taim. Wari bilong mipela em long ol nambis provins. Nau PNG i gat teks fri agrimen wantaim ol EU kantri long salim tuna i go. Mi laik strongim ol gavman bilong narapela Pasifik Ailan kantri long ol i mas wokim wankain," Mista Celso i tok.

"Fifti pesen bilong olgeta tuna long wol em ol i save kisim long ol solwara bilong yumi long Westen Pasifik. Olsem na yumi mas kisim dispela sans long kamapim indastri I go bikpela moa." em i tok moa.

Dispela em i namba 4 rijinol tuna indastri na tred konfrens, na i lukim moa long 200 deliget i kamap na ol i kam long kain kain sekta bilong sosaiti i makim 40 memba kantri bilong Forum Fiseris Atoriti (FFA) long Pasifik. I bin gat ol hetman bilong ol kampani long Yurop na Saut Amerika na Asia i bin kamap tu. Sampela ol saientis bilong marin o solwara risos tu i bin stap.

Dairekta Jeneral bilong Forum Fiseris Ejensi, James Movick i tokim ol lain long ol i mas kam insait long wok bilong kisim na putim tuna long tin na salim.

"Long sampela kantri, dispela em i wanpela nesanel risos tasol i holim ikonomi bilong ol. Olsem na yumi mas tingting gut long wanem kain ol rot yumi wok long dispela indastri," em i tok.

Dispela em i namba foa forum na em i bikpela tru na naispela moa long olgeta arapela forum. Namba wan forum i bin kamap long Palau long 2010.

INFOFISH, Malaysia i go pas long redim dispela kibung wantaim helpim Dairekta Jeneral na ol wok lain bilong FFA yet.



Ol spika long forum i sindaun long taim bilong opim forum.



Ongo asples man i gat gutpela laip tude

ONGO em wanpela asples insait long Rai Kos distrik bilong Madang provins. Em i stap insait long bus stret bilong Finister Rens. Taim yu laik wokabaut go bai yu stat long nambis bilong Basamuk na go we bai kisim tupela dei. Yu bai kamap long Mebu asples pastim na slip wanpela nait na neks moning kamap long Ongo.

Dispela hap em nogat rot bilong kar na ol gutpela gavaman sevis. Ol pipol save kisim taim stret. Ol i mas wokabaut tupela dei kam kamap long nambis bilong Rai Kos, kisim dingi long K50. na kamap long Madang.

Max Koni Gibao em i wanpela man bilong Ongo na em i tok olsem laip bilong ol asples em hat stret. Tasol tude, laip em isi liklik bilong wanem ol lain Ongo i kam wok long Rifaineri bilong Ramu NiCo long Basamuk i save kisim pei na laip em isi liklik.

Max tu em i wanpela wok man bilong Ramu NiCo tude we em i wok long Limestone fektori bilong Basamuk Rifaineri olsem ol narapela asples long Ongo na Mebu.

Krismas bilong Max i 40 na em i gat 6-pela pikinini. Em i gat bikpela hamamas bilong wanem long wok bilong em tasol long Ramu NiCo bai givim gutpela sindaun long em na pikinini bilong em long bihain taim.

Tasol bipo, laip bilong Max em i hat stret. Papa bilong em i bin rausim em long Gret 9 long Rai Kos Ai Skul long 1988 taim em nogat skul fi. Sapos em i pinisim Rai Kos Ai Skul bai em i namba 3 lain taim skul i stat.

Tude, em i gat bel hevi olsem em i no pinisim skul gut tasol em i sori tu long papa bilong em bilong wanem bipo em laip hat na tarangu papa i nogat wei long painim skul fi. Max i no laikim ol pikinini bilong em tude i gat sem birua.

Wantaim Gret 9 save, Max i bin lusim asples na go long Lae we em i bin wok wantaim planti kampani long 1994 igo 2000. Em i wok wantaim 3-pela kampani insait long ol dispela yia.

Tasol laip i bin hat stret namel long 2000 igo 2008 taim em i nogat wok na painim hat stret long lukautim ol pikinini bilong em long go long skul na kaikai.

Max i lusim Lae na go bek long Basamuk long 2009 wantaim femili bilong em taim em i harim olsem Ramu NiCo i wokim wanpela rifaineri na kisim ol man long wok.

Taim em i kamap, wanpela kontrakta bilong Ramu NiCo i kisim em long wok tasol ino olsem kapenta, wok stret bilong em. Boi ya ol tokim em long dikim baret wantaim spet. Em kisim taim stret. Han bilong em i sulap na sua tasol em i no wari.



Max sanap long Limestone Fektori long Basamuk Rifaineri bilong Ramu NiCo we em i save wok long en tude.

Em i gat bikpela bel isi olsem wanpela taim bai i gat gutpela sans we gutpela wok bai kam.

Bihain long sampela mun, Max i joinim MCC-22, narapela kontrakta long wokim ol haus bilong slip bilong ol wokman bilong Ramu NiCo. Em i bin wok stret olsem kapenta igo inap 2012 we em i bin joinim Ramu NiCo na wok long Laim Ston Fektori inap tude.

"Laip tude i isi na planti samting i fri. Ino olsem Lae we mi baim kaikai, wara, pawa, PMV na narapela samting,"

"Long Ramu NiCo, mi kaikai fri, slip long gutpela rum i gat eia kondisn na TV, i gat fri sop na toilet pepa. Mi save wasim klos long

masin na mi no spendim wanpela mani stret. Olgeta pei bilong mi save go long benk akaunt bilong mi," Max i tokaut

Max em i wankain olsem ol narapela asples long Basamuk Rifaineri na KBK Main we ol i save kaikai fri long mes na slip long domitri bilong kampani na wok na ol i ken sevim pei bilong ol gut.

Em i gat bikpela hamamas na tingting olsem Ramu NiCo i kisim gutpela benefit na senis i kam long Basamuk lokel manmeri na olgeta mas senisim pasin na tingting bilong ol long kamapim gutpela sindaun tude na bihain taim Ramu NiCo i lusim asples Basamuk bihain long 20-pela yia.

"Mi gat bikpela hamamas long Ramu NiCo i stap long graun bilong mipela na mipela ol asples lain i benefit. Nau em mipela i mas senesim bipo pasin na kisim ol dispela gutpela senis." Max i tok.

Max i tingtin bipo taim bilong em we i bin gat gutpela Rai Kos Aiwe na ol bris we kar i bin ron. Tude, ol rot i bagarap na bus gro bikpela. Ol bris em wara i rausim. Em i bilip olsem sapos gavaman tude i laik kisim wanpela sevis olsem Rai Kos Aiwe i kam bai dispela bai kamap bikos long Ramu NiCo tasol.

"Mipela harim olsem gavaman bai wokim nupela hausik long Ganglau arasait tasol long Basamuk bikos Ramu NiCo i stap

na dispela em ananit long MOA na luksave bilong Ramu NiCo. Sapos gavaman i laik wokim Rai Kos Aiwe bai dispela em long luksave na stap bilong Ramu NiCo tu," Max i toktok.

Tude, Max i salim olgeta pikinini bilong em i go long skul bilong wanem em i gat inap mani em i kisim long pei bilong em long Ramu NiCo na laik givim gutpela bihain sindaun bilong ol pikinini.

"Pei bilong mi save go insait long akaunt bilong me we mi save husim long peim skul fi bilong ol pikinini na stretim ol narapela hevi bilong femili."

"Mi save tokim ol pikinini bilong mi na ol narapels long skul gut bilong wanem bihain taim bai ol i kisim wok long Ramu NiCo na kirapim Rai Kos, Madang na kantri," Max i tokaut.

Max i tokaut stret olsem sapos Ramu NiCo i no bin kam long Basamuk bai em i stap long Lae yet we laip bilong em na ol pikinini bai hat stret. Ating ol pikinini bai nonap kisim gutpela skul olsem tude.

"Mi nonap risain long Ramu NiCo inap dai painim mi. Dispela em promis bilong mi bikos mi lukim planti gutpela samting Ramu NiCo i kisim kam long haus lain stret na ino olsem bipo we mi painim planti birua long Lae," Max i tok.

Em i salensim ol papa na mama graun bilong Basamuk husait i wok wantaim Ramu NiCo long salim ol pikinini bilong ol i go long skul tude bilong wanem laip i senis na Basamuk tu i mas senis taim i gat planti save man na meri long Basamuk na Rai Kos.

Max i tok aut tu olsem Ramu NiCo na ol narapela stekholda i mas wok bung wantaim long kamapim planti gutpela senis olsem rot, hausik, skul na narapela sevis i mas go long ol papa na mama graun bilong Projek.

"Taim ol papagraun i hamamas bai projek i kamap gut na bikpela na yumi olgeta bai wok bung wantaim gutpela bel na hamamas. Dispela em trutru pasin bilong Ramu NiCo, "wanpela Ramu NiCo, Wanpela Komyuniti," em i tok.

Em i tok bihain long 20 o 40-pela yia taim Ramu NiCo i lusim Rai Kos na Madang bai laip bai isi yet sapos olgeta papa graun, Ramu NiCo na narapela stekholda i wokim wok bung stret tude.

Max i luk save tu olsem wanpela bikpela sevis we i mas go long Rai Kos em dispela Rai Kos Aiwe we bai kirapim planti agrikalisa projek, wok long kilim na salim pis, kopra na ol narapela.

"Laip i mas wankain oltaim bihain long Ramu NiCo i lusim yumi bihain taim," Max i toktok.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisnim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen wok namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisn o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela
Ramu NiCo,
Wanpela
Komyuniti**

Ol kakao fama long Is Nu Briten gat nupela bot

OL Kakao fama long Is Nu Briten bai kisim moa gutpela helpim nau long wanem, ol i strongim kopretiv sosaiti bilong ol.

Is Nu Briten Kopretiv Sosaiti i kisim luksave na ol i bin makim ol bot dairekta bilong ol long dispel mun.

Long ol ripot, asosiesen bai kamap olsem maus bilong ol fama long kisim ol wari bilong ol long kakao bisnis i go long gavman.

Ileksen bilong ol dairekta long kopretiv sosaiti i bin kamap taim ol i bin holim wanpela wik trening

woksop bilong ol kakao fama long Kulau Loj long Kokopo.

Long dispela trening woksop, ol fama i bin kisim helpim long ol bisnis plen bilong ol.

Menesa bilong Kakao Bot long Niugini Ailans na Sauten Rijn, Charles Koel i tok ileksen bilong

ol nupela dairekta em nupela rot long traim strongim gen kakao bisnis bihain long sik bilong kakao pod bora i bagarapim ol kakao long sampela yia nau.

Tupela wik i go pinis, ol bin sainim wanpela agrimen namel long Kakao Bot, ol kopretiv, ol

lokal level gavman na distrik na makim wanpela interim bot.

Wantaim ileksen las Fraide, asosiesen i kisim luksave nau na em bai go hetim wok bilong em olsem maus bilong ol kakao fama long Is Nu Briten.

NAQIA wokim sevei long Miconia plent

WANPELA plent o diwai i gat naispela kala pepol lip we yumi ken painim i gro ausait long ol haus na ol narapela hap moa em NAQIA i laik kontrolim.

NAQIA em Nesenel Egrikalsa Kwarantn Inspeksen Atoriti i bin wokim 4-pela de sevei o wok painim long Waghi Veli, Westen Hailans long painim rot long kontrolim "Miconia calvescens" o "purple purge long Hawaii na Tahiti bikos em i gro wail passim ples bilong ol narapela diwai long ol dispel ailan kanri.

Wantaim helpim bilong Westen Hailans Provins Divisen bilong Praimeri Industri, NAQIA i bin wokim sevei i no longpela taim i go pinis.

Miconia plent i stap olsem wanpela long ol 100 plent long Wol Lista i save gro wail, pulapim na pasim ples long hap em i stap long en.

PNG i no bin gat save long dispela inap long Ogas, 2011.

Wok painim i soim olsem pipel i wok long groim dispela plent ausait long ol haus olsem plawa bikos em i gat naispela pepol lip.

Na long Westen Hailans na Jiwaka Provins we i gat planti pipel stret na populesen i bikpela moa, dispela i wok long kamap planti.

Plent Miconia i kamap olsem birua long wanem, em i sotim graun bilong planim ol kaikai na ol arapela kes krop tu na tu, long ol bus na diwai i gro na sanap namel 300 na 1,800 mita.

Asisten Jenerel Menesa Operesen na Inspeksen, Warea Orapa na Prinsipel Entomolojis, David Tenakanai i bin go pas long NAQIA tim long wokim sevei.

Ol bin painim olsem Miconia plent i gro long 60 ples, na ples we em bin kamap pastaim long

en em Gumanch Plantesen eria long Dei Distrik.

Ol pleslain i tok wanpela kopi groa bilong narapela kantri i bin karim dispela plent i kam long kantri na Hailans eria 25 krismas i go pinis.

Mista Orapa i bin painim Miconia i gro long Ambra long Westen Hailans olsem singel o diwai grup olsem bilas ausait long ol haus.

Tim i bin lukim olsem ol binatang i no holim dispela plent yet bikos em bai hat long kontrolim o rausim ol taim dispela i kamap.

Tim i painim olsem rot dispela plent i wok long go long planti hap em pipel i karim i go na planim olsem wanpela plawa o plent long mekim ples i luknais wantaim naispela bikpela lip i grin antap na pepol long sait. Stori na piksa i kam long NAQIA Niusleta.



Dispela em Miconia diwai.

Dolly

Em bai laikim mekim yu
Sampela moa!

Dolly TUNA
Chunks in Oil

Dolly TUNA
Sandwich in Oil

Dolly TUNA
Chunks in Curry

Dolly TUNA
Barbecue

Dolly TUNA
Chunks in Brine

Dolly TUNA
Smoke Flavoured

Dolly TUNA
Hot & Spicy

PROUDLY
PNG MADE

RD TUNA CANNERS LTD.

Ol spot poto long Mini Saut Pasifik Gem...

Ol Poto Andrew Molen.


VOLIBAL: PNG volibal tim bilong ol man i singsing amamas long winim gol medol agensim asples, Wallis na Futuna.



GOLDEN GELS: Donna Koniel (left), Toea Wisil, Betty Burua na Shirley Vunatup i amamasim gol medol ol i winim long 4x400m resis bilong ol meri.




SILVA SURFERS: Tim bilong ol meri we i winim silva medol long V6 resis bilong Va'a.




BRONS GELS: Gillian Ovia (left) na Monalisa Kassman i winim brons medol long weiltifting.



MONG TAVOL: Mong Tavol i kisim brons medol long tripol jam resis bilong ol man.



STEVEN KARI: Steven Kari i kisim tripele gol medol long weiltifting bilong ol man.




Ol spot eksen poto long wiken...


Ol Poto Nicky Bernard.



SNAX EM MIPELA YA: 6-pela Lae Snax Tigers i bin stap insait long Red na Gold Kumuls. Ol bin stap long trail pilai we i bin kamap long PRL long makim Tim PNG Kumuls long kisim Australia Kangaroos dispela wiken long Kokopo. Dispela 6-pela pilaia i bin sanap wantaim sponsa na ol fida lain bilong bihain long pilai pinis.



LAPUN NA KIK YET: Francis Moiap bilong Mastas wantaim bal i traim long ron we long pilaia bilong Mainum long Divisen 1 soka resis long Bisini. Tupela tim wantaim i bin dro.



HUSAT BAI KISIM? Pilaia bilong Gurias (3) i traim long kisim bal na pilaia Borea i traim long kisim dispela bal long primia pilai bilong ol long Bisini soka graun.



Charlie Wabo bilong Kumul Gold i lukluk long sapot long pasim bal. Petro bilong Kumul Red i putim was long takolim em. Red i bin winim pilai 18-0.



Tripela pilai bilong Rabaul Gurias i sanap wantaim kosa bilong ol Michael Marum bihain long pilai pinis. Marum tu em i kosa bilong Kumul Gold.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



SKOA

SEMI FAINOLS

Fraide: Septemba 20, 2013

Brookvale Oval

S/Eagles 24 Sharks 18

Sarare: Septemba 21, 2013

AAMI Park

Storm 16 Knights 18

PRELIMINERI FAINOL DRO

Fraide: Septemba 27, 2013

ANZ Stadium

Rabbitohs V^s S/Eagles

Sarare: Septemba 28, 2013

Allianz Stadium

Roosters V^s Knights



Ol Storm pilaia i sindaun na wari olsem ol i aut long NRL gem bilong dispela ya.

Knights memeim Storm 18-16 long stap insait long NRL preliminareri fainal

NEWCASTLE i pasim win bilong Melbourne long primiasip difens long 18-16 win insait long semi-fainall long AAMI Park long Sarare nait.

Ol knight i go pas long 18 - 4 long namba wan hap bilong pilai tasol Storm i strong na skoaim tupela moa trai wantaim Sisa Waga na Jesse

Bromwich. Tasol ol Knigts i holim gem strong tru long tupela point tasol inap long 13 minit i lep long fultaim.

Nau ol Knight bai salensim ol Rooster long las fainal long dispela Sarare.



STRONGMAN BILONG MANLY: Bekbun bilong Manly, Steve Matai, i stap strong namel long Eagles i soim bai ol i stap long fainals. (Getty Images: file photo Cameron Spencer)

Roosters i redi long kisim Knights

DISPELA yia em wanpela yia we Roger Tuivasa-Sheck bai tingim. Winga bilong Roosters wantaim kain stail gem bilong em olsem em i danis taim em holim bal bai stap yet i go Novemba dispela yia.

Tuivasa-Sheck skoaim trai we i givim ol tim meit i kisim tu wik malolo bihain long 4 - 0 win egens Manly nau bai stretim ol bagarap bilong ol na redi long salens wantaim Knights long dispela wik.



Manly bai gat sans long kilim dai lam bilong ol South Sydney long preliminareri fainal, Kieran Foran i tok

KIERAN Foran i tok pasin bilong pilai bilong mipela long dispela mun i makim olsem mipela gat sans long rausim ol South Sydney long dispela wik gem long

prilimineri fainal.

Ol Sea Eagle i pilai strong long las wik gem wantaim Cronulla na mekim planti bagarap long long taim ol Sydney Roos-

ter i memim ol 4-0 namba wan kota fainols tupela wik i go pinis.

Dispela wik em bai nara-pela stori na gem plen, Kieren Foran i tok.

FM100
PNG's Information & Music Leader

FRIDAY 27 SEPTEMBER

7.45PM
ANZ STADIUM

SATURDAY 28 SEPTEMBER

7.45PM
ALLIANZ STADIUM

LIVE GAME CALLS

| | | | | | | | | |
|---------------|-------------------|----------------|--------------|--------------------|---------------------|------------------|-----------------|------------------|
| ALOTAU 107.1 | BUKA 100.8 | KARKAR 100.5 | KIUNGA 100.3 | LORENGAU 100.3 | MT. DIMOOIMO 107.1 | NAMATANAI 100.3 | RABAUL 100.8 | TINPUTZ 100.8 |
| AMBUNTI 100.8 | DARU 100.5 | KANDRIAN 100.1 | KUTUBU 100.2 | MADANG 100.8 | MT. HAGEN 100.3 | NCU 100.3 | RAMU 100.3 | TOLUKUMA 100.1 |
| ANGORAM 100.8 | DREIKIRKIER 100.8 | KEREMA 100.8 | LAE 100.5 | MAPRIK 100.8 | MT. HOREATOFA 107.5 | NUKU 100.8 | TABUBIL 100.3 | WATERHOLES 107.1 |
| ARAWA 100.3 | FINSCHHAFEN 100.4 | KIKORI 100.5 | IAGIFU 100.2 | MARKHAM 100.5 | MT. KAINGUMA 107.1 | PALMALMAL 100.8 | TARI 100.5 | WAUBULOLO 100.8 |
| BOGIA 100.5 | GORGOKA 100.2 | KIMBE 100.3 | LIHIR 100.3 | MT. BOREGORO 107.7 | MT. TURU 100.8 | POPONDETTA 100.5 | TELEFOMIN 100.3 | WEWAK 100.8 |

Madang i redi long Mamose Besta Soka Kap

James Kila i raitim

MADANG Soka Asosiesenm (MSA), wanpela asosiesen i save kamapim planti ol stail soka pilaia, i redim wanpela strongpela soka tim long namba tri Besta Kap Mamose Rijonal Salens.

Salens bilong Mamose

rijon bai kamap long Lae long 11 i go inap 13 Oktoba na Lahi Soka Asosiesen bai lukautim dispela tonamen.

Jeneral Seketeri bilong MSA, Charles Romo, i tok asosiesen i redim ol tim bilong en pinis na ol i trening strong tru long go long dispela resis.

Foapela asosiesen i givim toksave pinis olsem ol bai

salim tim bilong ol long dispela tonament. Ol dispela asosiesen em Madang, Wau, Lahi na Lae Futbol Asosiesen (LFA).

Bai wan wan tim i gat 20 pilaia bilong ol man na 20 pilaia bilong ol meri. Olgeta tim i mas kamap long Lae long Oktoba 10 long Sir Ignatius Kilage Stadium.

Besta Kap Salens bilong

Mamose Rijon i save paia lait stret bikos i gat planti ol gutpela pilaia i save stap long hap na stail bilong soka long rijon tu i antap moa na bikipela salens tru bai kamap. Sempion bilong las yia, LFA, i bin winim dispela taitel tu long 2011 na bai ol i kam bek gen long banisim taitel bilong ol.

Romo i tokaut olsem ol-

geta pilai bai stap insait long raun robin na ol wina bai go insait long Besta Sempionsip. Na sempionsip bai lukim ol nambawan asosiesen o tim bilong wan wan rijon i bung na resis long winim Besta Kap.

Ol sempion tim bilong wan wan rijon bai go pilai long Besta Kap long winim K100,000 prais mani.

Ol NCD Yut i laitim paia bilong soka

NCD pablik sevan soka asosiesen i lukluk long developim ol yangpela man na meri long save bilong ol long pilai soka.

Dispela In-haus yut salens em i namba wan taim long kamap aninit long asosiesen na lidasip bilong nupela presiden bilong NCD futbol Asosiesen,

Vonnie Kapi Natto na ol wanwok bilong em.

Igat olsem 40 tim bai kam long dispela asosiesen na pilai insait long wanpela wik. I gat ol prais long givim long tim husat i winim gem wantaim mani mak olsem K8,500.00 em Hekari Yunaitet Futbol Klap i sponsa Dispela salens bai ol pilai

long divisen bilong ol meri aninit long 15 na 17 na 17na 19 long ol man. Wan wan tim bai i mas pilai 5-pela gem bihain long ol i ken go long gran fainol insait long ol divisen bilong ol.

Tupela tim insait long dispela salens i stap long top tu bai salensim tupela yet

long Fraide long fainol raun.

Ol 40 tim i stap long pul grup A em; Simla, Tarangau, FC Wantoks, Musa, City United, Morata Roots, Tarangau, Murat, PNGIPA SOG, YFC Lions, Musa na Buria.

Presiden Vonnie i tok, em i amamas long ol tim i

kamap long moning na tok tenkyu long ol lain i kamap long namba wan de.

"Kam bilong ol yangpela em i bikipela samting na mi bai traim strong bilong mi taim mi stap 4-pela yia long mekim dispela kamap gut bilong ol yangpela bilong Papua Niugini." Mis Vonnie i tok.

i kam long bek pes

PM 13 na Wol Kap Skwad kamap

Sampela bilong ol pilaia husat i pilai long ovasis i stap tu long fainal.

Het Kosa bilong ol Kumul, Adrian Lam, i tok olsem dispela taim em ol i gat strongpela tim na bai ken helpim ol i makim 22 pilaia long go pilai long Wol Kap. Em i tok sampela bilong ol pilaia i go insait long PM13 Tim Kumuls bihain long ol bin pilai gut long trail pilai long PRL.

Ol 27 pilaia long skwad em: Abavu Josiah, Aiton Paul, Aiye Dion, Albert Wellington, Boas Ase, Bruno Joe, Chan Jason, Costigan Neville, Eliab Israel, Kambo Richard, Laka Roger, Loko David, Maki Enoch, Marabe Larsen, McDonald Nene, Mead David, Mexico Mark, Nandy Jessiejoe, Pandia Sebastian, Panu Francis, Segeyaro James, Sunivalu Petero, Tali Jason, Thompson Ray, Wabo Charlie, Wera Adex, Yere Menzie.

Ol Kumul i soim piksa bilong strongpela man

Hap tok, ol strongpela man i save lukautim gut meri, em i het tok bilong pasin ol ragbi lig pilaia bilong Kumul tim i laik ol pipel bilong PNG i mas harim na bihainim.

Het kosa bilong ol Kumul, Adrian Lam i tok ol strongpela man i no man bilong pilai ragbi tasol na wokim planti takol, nogat. Em i tok ol strongpela man i mas gat strongpela tingting na i ken wok bung na helpim ol narapela na tokaut stret sapos ol i no mekim gutpela pasin.

Adrian Lam i bin mekim ol dispela toktok insait long wanpela pas em i bin salim long ol pipel bilong PNG bipo long gem bilong ol Kumul wantaim tim bilong Australia long Kokopo long dispela wiken.

Em i tok ol strongpela man i no save kros na pait hariap, ol i save tingting gut pastaim long ol i mekim samting. Em i tok ol i save tingim famili, ol poroman, na komyuniti bipo long ol i mekim wanpela samting.

Em i tok olsem man i mas wok bung wantaim meri bilong em na ol narapela manmeri. Na ol i no inap paitim meri, tasol ol bai toktok strong long stapim dispela pasin nogut bilong paitim meri. Em i tok PNG i mas gat ol kain strongpela man olsem long kamapim gutpela sindaun long kantri bilong yumi.



Digicel Nesanel Sempionsip bilong ol Junia i kam pinis long Trinde, na ol Senia bai kik ov long dispela wik Fraide. Ol Pot Mosbi na Kairiku Hiri bin go insait long olgeta fainol bilong ol Junia we lukim Mosbi i wok long winim ol. Long poto Gol suta bilong Mosbi anda 17 i kalap long kisim bal taim gol kipa bilong Kairiku Hiri i putim was long em. Dispela resis bilong ol Junia i stat long Mande long taim ol i malolo long skul. Digicel PNG em bikipela sponsa bilong dispela Nesanel Sempionsip. Poto Nicky Bernard.



Moa oil na meat insait

BAI YU GO WE: Paul Aiton bilong Kumul Red i kaikai tit long holim winga bilong Kumul Gold long ragbi trail bilong long PRL long Mosbi. Kumul Red i win 18-0. Poto Nicky Bernard.



PM 13 na Wol Kap Skwad kamap

Nicky Bernard i raitim

SIAMAN bilong PNGRFL Don Fox i tokaut long 27 man skwad bai pilai long PM13 na Wol Kap resis. Ol selekta i makim na givim nem bilong ol i go long PNGRFL Siaman na Praim Minista Peter O'Neill long luksave bipo long ol i tokaut long pablik.

Bai ol i daunim i go daun long 22 pilaia bilong Kumuls, long go pilai long Wol Kap bi-hain long PM13 we PNG Kumuls bai bungim Australia Kangaroos long Kokopo long

dispela wik Sande.

Siaman Don Fox i tok dispela skwad em i strongpela stret na ol Nesenel selekta i mekim bikpela wok long makim dispela ol pilaia long skwad.

Em i tok olsem long trail pilai, planti long ol gutpela pilaia i no bin soim tru kala bilong ol olsem bipo long ol ragbi resis, tasol em planti bilong dispela 27 man bai soim kala bilong ol long PM13 long stap insait long 22 man long go long Wol Kap.

Moa long Pes 27.

Lukim insait

Ol poto long Mini Saut Pasifik Gem - Pes 24

NRL preliminari fainol dro - Pes 26

Johnston's Pharmacies




Varta Batteries and Remington products

10% Discount

September Specials

P.O. Box 1066 Boroko
 Phone: 325 3185, Fax: 325 0190
 Email: sales@johnstons.com.pg